

2

DIVINÆ PROVIDENTIA HUMANITATIS,
DISPUTATIO JURIDICA
DE
CONDICTIONVM
CAVSA ET POTESTATE,

(VBI ET DE CONDICTIONIBVS IVRIS GENTIVM,)

QVAM
MAGNIFICI JCTORVM ORDINIS
IN FLORENTISSIMA ACADEMIA LIPSIENSI
CONSENSV,

SVB PRÆSIDIO

VIRI PRAENOBILISSIMI, DOCTISSIMI, CONSVL-
TISSIMI DOMINI,

DN. JOACHIMI FRIDERICI
BARTHOLDI,

JUR. VTRIVSQVE DOCTORIS,
FACTORIS AC STUDIORVM SVORVM
ANTECESSORIS QVA DECET OBSERVANTIA
COLENDI,

SOLENNI ERVDITORVM EXAMINI
SVBJICIT

JOHANNES CHRISTIANVS KORN
COBURGENSIS,
H. L. Q. C.

A. D. III. SEPTEMBR. cl^a lxxc^a XXIII.

LIPSIÆ, LITERIS IMMANVELIS TITII.



V I R O
REVERENDISSIMO PERILLVSTRI
ATQVE EXCELLENTISSIMO DOMINO,
D O M I N O
MARQVARD.LVDOVICO
LIBERO BARONI
DE PRINTZEN,
POTENTISSIMI BORVSSIAE REGIS
SVPREMO AVLAE MARESCHALLO, ET
MINISTRO STATUS INTIMO,
BORVSSICI AQVILAE NIGRAE ORDINIS EQVITI,
PALATII REGIS PRAEFECTO,
CONSISTORII PRAESIDI,
RERV FEVDALIVM ECCLESIASTICARVMQVE &c.
DIRECTORI GRAVISSIMO,
NEC NON
ACADEMIARVM REGIARVM SVPREMO CVRATORI,
SAPIENTI, PIO, FELICI,
REGIAEQVE SCIENTIARVM SOCIETATIS PROTECTORI,
MAGDEBVRGENSIS BASILICAE CANONICO,
RVPPINENSIVM BELLINENSIVMQVE TERRARVM
P R A E F E C T O,
HAEREDITARIO DOMINO IN CARO, &c.&c.
HEROI, DVBIVM AN GENERE AN DIGNITATE MAIORI
AVT VIRTUTE MELIORI,
DOMINO SVO PLANE BENIGNISSIMO.

NEC NON

V I R O

PERILLVSTRI ET EXCELLEN-
TISSIMO,

D O M I N O

DOMINO BERNHARDO

Edlen Herrn

von **Z E C H,**

POTENTISSIMI POLONIARVM
REGIS ET ELECTORIS SAXONIAE PRI-
MO STATUS ET CONSILII SANCTIORIS
● REFERENDARIO, ET CONSILIA-
RIO AVLICO,

MERITIS MAGNO, HVMANITATE MAJORI,
VIRTUTE DIVINO,

PATRONO SVO MAXIMOPERE
SVSPICIENDO

PERPETVAM FELICITATEM

DISPUTANTES

OFFICIOSE VOVENT!



AFFULGENTE GRATIA DIVINA.
DISPUTATIO JURIDICA,
DE
CONDICTIONUM CAUSA
ET POTESTATE.

INGRESSUS PHILOLOGICO - JURIDICUS.

Animus hominis quomodo veritatis capax?



I quid est in rerum cognitione tum admirabile, tum præ ceteris magnopere expectendum, nihil fere magis videtur, quam ea pars Philosophiæ quæ de hominum mentibus agit, in quibus & recte intelligendi, & omnis benevolentie consistit potentia. Cic. II. off. 7. Equidem Veteres sublimi quadam pietate ductos, (quam Scepticismum appellarunt, Cic. I. de Leg. 34. I. Acad. Q. c. 44.) de hominum animabus professos cernimus: Qualis sit animus ipsum animum nescire, Cic. Tusc. I. pr. cujuscumque enunciationes, non minus de fundamentali ejus parte, sc. intellectu, quam imperatrice ejus specie, nimirum voluntate, offerere ipsos videas! Utrisque enim, cum nihil magis intra se homo sentiat, tamen nihil minus intelligat; ut, cum sui adeo anima conscia sit, se adhuc ipsam quærat: Senec. L. VII. Nat. Q. c. 24. ubi sic, dubitanter addit: Habere nos animum, cujus imperio & impellimur & revocamur, omnes

A

fatebun-

fatebuntur; quid sit animas ille, Rector, Dominusque nostri, non magis Tibi quisquam expediet, quam ubi lit. *Equidem ejusmodi dubia viros doctissimos, divina potius ratione, (quod cognitionis illius præstantiam ad Deum referrent potius, quam ullam ejus particulam sibi tribuerent,) quam ignorantia absoluta protulisse probabile est.* Clarissime id colligitur, ex præclaro Socratis exemplo apud Cic. l. Tulse. 98. 99. *Modo enim opinionis præjudicio, non occupatus præpeditusque homo sit, naturam mentis facile assequitur: quæ simplex, unica & sibi constans, de se & sua origine vera abunde testatur.* vid. *interim* Cic. Caton. fin. l. Tulse. 53. 54. l. j. 10. 36. 22. 24. 26. *Ideoque ipso cælo semper fruitur, Cic. d. loc. ad Diem relate agit, 27--30. ideoque a Dio movetur, 56. seq. quia & per se movetur, 53. 55. adeoque sempiternæ cogitat, 31. verumque conservandi generis humani officium sequitur, 32. seqq. eaque mens divinitus inest, 38. 39., quia, ut bruta, terrena, sensibus, sic homo cælestia animo capit 40, 41. seq. Unde denique simili, animus, ejus esse dicitur, qui, omnia fabricatus in cælo est, 62, 63, 65--75., a qua sententia, nec corporales Philosophi dissentiunt, ut Zeno, Stoicus. v. Gothofred. ad Cic. l. I. Acad. Q. argumento. Schurz. Diss. philol. 75. Liv. L. I. c. 2. 7. 15. Carol. a Dießl. Orat. de Anim. stat. post mort. Quibus explicatis, quomodo etiam ceterarum veritatum, quas Creator benigne voluit atque concessit, compos ea esse possit, sponte constabit, ut fundamentum exhibet August. Enchirid. c. 9. c. 17. seq.*

1. Permultum interesse, ut eam recte capiat.

Quam multum autem hominum interstet, ut veritatem recte capiant, testis est, tum ipsa natura hominis, quæ claram, perspicuam, adequatam & veram rerum cognitionem inter intellectus virtutes referre solemus: Quid enim magis animus concupiscit humanus, quam claram, distinctam, adequatam, veram cognitionem præferre, obscura, confusa, inadequata & falsa? ut late Cic. IV. Acad. Q. 24. f. Locke intellig. Human. l. II. c. 29. usque ad 32. Clericus Philos. P. I. c. 9. tum vita communis multo magis, quæ in conversatione & visu communi, imo in finibus hominis generatim, in judiciis rationationibusque nostris, quin & actionibus singulis, veritas ejusque integra, ac divine menti obediens notio ac intelligentia, utramque facit.

pagi-

paginam, quam proinde navibus omnes atque quadrigis expetunt, quamvis pauci obtinent. Ceterum, ejus judicia & ratiocinationes vera sunt, is consecutus est, & cum omnes ad eam adspirent plurimos necesse est habere cum sectatores. Celeb. Budd. Phil. Instrum. de intell. sanit. §. 7.8. ad quam sequelam elegantur allicit Cartesius Method. p. 17. Notandum est, cujusque rei unicam esse veritatem, quam quisque clare percipit, tantundem percipit, quantum ullus alius scire potest. citante Clariss. Wefenfeld Disp. de tribus statibus, princ. in not. quod latius & acutius deducit Gregor. Nyssen de homin. opif. c. 20.

- a. Quia via ejus (respectu scilicet imbecillitatis humane) anceps est, nec facilius ad verum quam ad falsum ducit.

Si autem in rationem inquiramus, cur multi frustra ad eam venire nitantur, in promptu esse cause videntur: quia res ardua proindeque lubrica & maxime anceps est: ac tantum non difficile, in precipitiis utrinque positis, tritum sapientibus ac intemeratum casum premere, nec ulla ex parte declinare: quae res ipsi crudelissima Graeciae antiquitati tam operosa visa fuit, ut eam sub Herculis, (cui omnia vera & excellentia, in rebus divinis & humanis tribuebantur,) persona, civibus suis inculcatam vellent. Nam cum imprimis constituendum viderent, caute ponderare, quales sententias quisque acciperet, quae deliberatio, ut est omnium difficillima, sic talem eam habebant. Incensae enim adolescentiae, cum inest maxima imbecillitas cognoscendi, tunc eas sibi quisque sententias deligit, quas maxime adamavit, itaque ante implicatur aliquo certo genere sentiendi, & volendi, quam potuit, quod optimum esset judicare aut eligere. Nam quod Herculem Prodicus dicit, (ut est apud Xenophontem,) cum primum pubesceret, (quod tempus a natura ad deligendum, quam quisque viam sentiendi & vivendi sit ingressurus, datum est,) exiisse in solitudinem, atque ibi sedentem, diu secum multumque dubitasse, cum duas cerneret vias, utram ingredi melius esset: Hoc Herculi Jovis salu edito, potuit fortassis contingere, illis non item, qui imitantur, quos cuique visum est, atque ad eorum studia institutaque impelluntur. Plerumque autem parentum praeceptis imbuti, ad eorum consuetudinem moremque deducuntur:

aliis multitudinis iudicio feruntur, quæque majori parti pulcherrima videntur, maxime exoptant. Nonnulli tamen, & pauci, sive felicitate quadam, sive bonitate naturæ, sive parentum disciplina rectam veritatis & vitæ secuti sunt viam: qui tamen id egerunt, ut quo magis anceps ea res ut esset, ita ipsis videretur; Eo in tota vitâ constituenda, ejus curam majorem adhiberent, ut & constare in sententiis sibi possent, nec in officiis claudicare. Cic. l. Off. 32. Cujus rei fundamentum item solidius tangit Augustinus Enchir. ad Laurent. a. c. 97. ad 109.

3. Illustratio per exempla in utramque partem; Ex historia Græca Sec. 17. seq. &c.

Qui in officiis publicis ac administrationibus ad res gerendas operam suam collocant, quotidiana experientia ista præcipitia cernunt, confer. Summe Rev. D. Ludovici, Th. P. P. Gymn. Cob. Direct. adhuc pie colendus, de Scriptis Anonymis & Pseudonymis &c. §. XL. nec minus sane qui rem literariam colunt. Hinc ille apud Cic. de N. D. L. III. Cotta & ratione recte fieri & ratione (quo tamen verbo abutitur) peccari animadvertit. Niobe enim ipsi parum ratiocinari videtur, & sibi ipsi nefariam pestem machinari: unde callida quadam ratione, ille versus, quasi jactus in populum à Philosophis creditur:

Qui vult, quod vult, ita dat se res, ut operam dabit.

Sic Medea, at callidissima femina, Patrem patriamque fugiens:

Postquam pater appropinquat, jamque pene ut comprehendatur parat.

Puerum interea obtruncat, membraque articulatim dividit.

Perque agros passim dispergit corpus, id ea gratia,

Ut, dum nati dissipatos artus captaret Parens.

Ipsa interea essugeret: illum, ut inceror tardaret sequi.

Sibi salutem, ut familiari pareret patricidio.

Cic. pro L. Manil. c. 9. Ovid. 3. Trist. Eleg. 9.

4. Continuatio Exemplorum.

Sic nec ille est prætereundus, qui non sat habuit conjugem illi-
xisse in stuprum, de quo Atreus:

Quod re in summa, summum esse arbitror

Periculum : matres coinquinari : regiam
 Contaminari stirpem : admisceri genus.
at id ipsum, quam callide, quod regnum adulterio quareret : inquit:
 Adde huc, quod mihi portento cœlestium pater
 Prodigium milit, Regni stabilimen meî.
 Agnum inter pecudes, aurea clarum coma :
 Quendam Thyestem clepere ansum esse e regia
 Qua in re adjutricem conjugem cœpit sibi
 Vid. Hyginus c. 258. Apollonius L. 4. *Hi igitur summa improbitate*
usi Cotta videntur, non sine summa esse ratione. Cic. III. N. D.
 39. f.

5. *Exempla, ex historia Græcorum privata.*

Parumne subtiliter disputat ille in Evnuchis :

Quid igitur faciam?

Exclusit? Revocat? Redeam? non, si me obsecret!

Ille vero in Synephebis, Academicorum more contra communem opinionem non dubitat pugnare ratione; qui in amore summo, summaque inopia suave esse dicit;

Parentem habere, avarum, illepidum in liberos:

Difficilem, qui Te nec amet nec studeat Tui.

atque huic incredibili sententiæ ratiunculas suggerit :

Aut Tu illum fructu fallas, aut per literas

Avertas aliquid nomen, aut per servilum,

Percutias, pavidum: Postremo à patre Patre

Quid sumas, quantò dissipas libentius.

Idemque facilem et liberalem patrem incommodum esse amanti Filio disputat: quem

Neque quo pacto fallam, neque quid inde auferam

Nec quem dolum ad eum, aut machinam commoliar,

Scio quicquam: Ita omnes meos dolos, fallacias,

Præstigias, præstrinxit commoditas patris.

Deliberanti denique Filio, Phormio dicit:

Cedo senem! jam instructa sunt mihi in corde consilia omnia.

6. *Alia Exempla privata.*

Nec viro scena solum referta est his sceleribus: sed multo vita

com-

recusantes, sed & eo securitatis procedentes, ut audacissime in illos inveherentur: Ipsos esse Rebelles legitimi Regis sui. Qua vanissima confidentia status Regni Illustris, permoti in comitiis publicis declararunt: Summa cum admiratione percepisse se, stupendam insaniam audacianque, cum hujus, tum ejus hominis, qui ad summum superbix fastigium elatus, Regi legitimo & toti clarissimo populo, talem injuriam obtrudere ausus fuerit, ut ipsum ad cessionem Imperii & coronæ sollicitare, conditionibus ridicule propositis non erubuerit. Nec ulli genti ac populo fore dubium, sensu omni humano carere homines alia ausos, & obtusi alias ingenii plenum deliquium fuisse passos. Proindeque cum hi & horum similes, in via ancipiti, ad falsum notorie collimassent, scripta eorum à carnifice combusta, alios commoverunt, modo saltem humano, ut diligentius mercari discerent.

9. *Exempla sacra & religionis.*

Si ex foro ad delubra DEORVM accedimus, tanto majus hic quoque & diversum præcipitium: quo de re sanctiori agitur. Ut ab auspiciis auspicemur: (de quorum origine probabili tempore veteris Fœderis, & postea succedenti inter Gentes abusu, hic non est dicendæ locus.) Hospes Ciceronis, optimus & clarissimus vir Dejotarus, Rex, nihil unquam nisi auspicato gerebat: qui, cum ex itinere quodam proposito & jam constituto revertisset, aquile admonitus volatu, conclave illud, ubi erat mansurus, si ire perrexisset, proxima noctu corruit: itaque, ut ipse fatebatur, persæpe revertit ex itinere, cum jam progressus esset multorum dierum viam: cujus quidem hoc præclarissimum putat Tullias, quod posteaquam à Cesare Tetrarchie Regno, pecuniæque multatus esset, negarit, se tamen, eorum auspicio, quæ sibi ad Pompejum proficiscenci secunda evenissent, unquam penituisse. Senatus enim Auctoritatem & populi Rom. libertatem atque imperiæ dignitatem suis armis fuisse defensam: Sibi quæ eas aves, quibus auctoribus officium & fidem secutus fuisset, bene consuluisse; Antiquiorem enim sibi fuisse, possessionibus suis gloriam. Hic igitur Ciceroni vere videtur augurari, l. Divinat. 16. Nihil enim sive quondam majoris rei, nisi auspicato, ut privatim quidem gerebatur, quod etiam Ciceronis tempore, nuptiarum Auspices declarabant: qui tamen eum, re omissa, nomen tantum tenebant: Nam ut ejus vocatis, quam

quam id ipsum aliquanto minus, quam olim, sic ævo antiquiori avibus, magna res impertiri solabant. d. l. c. 17.

10. *Exempla alia Romanorum.*

Idem rectius aliquanto putat, quod, sinistra dum non exquirimus, in dira & vitiosa incurvimus: ut P. Claudius Appii Caci Filius ejusque Collega Lucius Junius, classes maximas perdididerunt: cum vitio navigassent: quod eodem modo evenit Agamemnoni, qui cum Achivi capissent inter se strepere aperteque artem obtinere Extispicum, solvere imperat, secundo rumore, averlaque avi. d. C. VI. Bello Punico II. Cajus Flaminius Consul iterum, idem neglexit magna cum clade Reipubl. Rem enim non habuit religioni, & cum præclara auspicia contra obnunciarentur, tamen signa convelli & sequi jussit, quo tempore, cum Signifer, primi hastati signum non posset movere loco, nec quicquam proficeret, cum plures accederent, Flaminius renunciata suo more neglexit. Itaque tribus horis confusus exercitus atque ipse interfectus est. Cic. d. l. C. XLVI. Qualem socordiam alibi respuit idem Cicero: & eleganter, si ait conferre volumus nostra cum externis, cæteris rebus aut pares aut etiam inferiores reperiri: religione i. e. cultu DEORVM multo superiores. II. N. D. C. IV.

11. *Externa.*

Longe secus, Dionysius, qui duo de XL Tyrannus annos fuit, opulentissima & beatissima civitatis: Cum sanum Proscypina Locris expilavisset, navigabat Syracusas: isque, cum secundissimo vento cursum teneret, videtisne, inquit, Amici, quam bona à Diis immortalibus navigatio Sacrilegis detur? Atque homo acutus, cum bene pleneque percepisset, in eadem sententia perseverabat: qui, cum ad Peloponnesum classem appulisset & in sanum venisset Jovis Olympii, aurum ei detraxit amiculum grandi pondere, quo Jovem ornarat ex manubus Carthaginensium Tyrannos Gelo, atque in eo etiam cavillatus est: astate grave esse aureum amicum, hyeme frigidum, eique laneum pallium injecit, cum id esse aptum ad omne anni tempus diceret: idemque Aesculapii Epidauri barbam auream demijussit; Neque enim convenire, barbatum esse filium, cum in omni-

omnibus sanis Pater imberbis esset. Jam mensas argenteas de omnibus delubris fuisse auferrī: in quibus, quod more veteris Græciæ inscriptum esset: Bonorum Deorum, ut se eorum bonitate vellet dicebat. Idem victorialis aureas & pateras coronasque quæ simulacrorum porrectis manibus sustinebantur, sine dubitatione tollebat, eaque se accipere, non auferre dicebat: Esse enim stultitiam, a quibus bona precaremur, ab iis porrigentibus & dantibus nolle sumere. Eundem ferunt hac, quæ dico, sublata de sanis in forum protulisse, & per Praconem vendidisse, exactaque pecunia edixisse, ut quod quisque sacris haberet, id ante diem certam in suum quodque sanum referret. Ita ad impietatem in Deos, in homines adjuvit injuriam. Hunc igitur nec Olympius Jupiter fulmine percussit, nec Æsculapius, misero dinturnoque morbo intabescit in teremit, atque in suo lectulo mortuus, in Tyrannidis rogam illatus est, & potestatem, quam per scelus erat nactus, quasi justam & legitimam filio tradidit. Cic. III. Nat. Deor. 46. etsi & aliis secus accidit, ut Catilinæ: qui Sacrarium scelerum domi fecisse dicebatur. Ciceroni II. in Catil. 6.

12. Applicatio dictorum ad veritatem Juris Civ.

Tempus est, pedem ex sacris & foro ac domo referre & in scholam ire: ubi verissimum est, quod Aristoteli Chius dicere solebat: Nocere audientibus, Philosophos & Ictos, iis, qui bene dicta male interpretarentur: Possē enim Asotos ex Aristippi, acerbos & Zenonis, injustos & rabulas ex Papiniani schola prodire: prorsus, si, qui audierunt, vitiosi essent discessuri; quod perverse Philosophorum & Ictorum disputationem interpretarentur. Quod antiquitus jam fatum Philosophorum fuisse constat, & comprobant speciatim exempla Epicuri atque Democriti. vid. Theologia Democriti, D. Lic. Schwarzii, El. & Græc. L. P. P. O. C. I. §. XI. Quibus accedit, quod nihil tam absurde dici potest, quod non dicatur ab aliquo Philosophorum. Cic. II. Divinat. 71. Et in ipsis sententiis, maxima varietas & dissensio, quorumsum jocularē istud & a multis sæpe derisum, quod Gellius familiaris Q. Cicer. cum Proconsul ex Prætura in Græciam venisset & Athenis Philosophos, qui tumerant, in locum unum convocasset, ipsis magnopere Autor fuit, ut aliquando controversiarum aliquem facerent modum;

dum; *Quid si essent eo animo, ut nollent atatem in litibus contendere, posse rem convenire, & simul operam suam illis est pollicitus, si posset inter eos aliquid convenire. Neque inter ICtor, cum Antecessores, tum Togatos, secus se res habet: quot τῶν νόμων δαδῶναι αἰσῶνς dicunt, Præf. π. 1. 6. §. 12. D. de Excusl. Tut. qui vel prima legum saltem fundamenta στοιχεῖα seu elementa, primam Legum audientiam tradunt. l. un. C. de Nudo jure Quir. toll. Sic videmus in Actione QVOD METUS implicatam esse tractationem, fateri satis egregium, pro modulo sui temporis, Juris Gentium Doctorem H. Grotium, Jure B. L. II. C. II. n. 7. contra vero, propter summam qua suffulta est aequitatem & lucem, merito eam primas tene-re, asserentem Baldum, Rubr. D. Quod. met. exclamantemque, quod vox Prætoris hoc edictum proponentis, sit vox Dei, quam pseruit in ore Prætoris. Struv. D. de Act. in rem script. Sect. IV. n. 3. 4. Veruntamen, nec propter has causas existimamus, Philosophis præstare aut ICtis tacere, quam bis qui se audissent, nocere: nec ideo interpretatione omni superfedere, quia nonnulli male interpretantur. Nam utrique huic loco facile occurritur: non idcirco, non optime discentibus a ICtis esse provisum, quod multi eorum placitis perverse uterentur, aut benedicta male interpretarentur: etiam patrimonii per multos male uti, nec ob eam causam eos beneficium a Patribus nullum habere.*

13. *Illustratio per Resolutionem dubiorum.*

Equidem si per species ejusmodi sententiarum discrepantia ostendi potest, ad genus quoque & Totum inde rationem duci posse haud inficiamur. Verum nec alii ulli scientia id, nec scientia juris quicquam officit, cum potius ignoratio, quam scientia juris litigiosa sit. Sic primum statum in jure, absolute non alium, quam communio-nis, excluso dominio, fingit Grot. L. II. C. 2. n. 2. quem sequitur Stryck. d. Edendo Titul. Possess. pr. Struv. de Act. in rem, pr. Cum tamen alii ex Juris disciplina proprie loquentes & quærentes, id nunquam persuaderi sibi patiantur. Homberg de dominio primo contra Huberum. Eleganter hanc controversiam componit Cicero 2. Finib. 67. ICtus l. 3. 4. §. 6. de J. & J. & sic in cæteris verissimas natura sententias, post Atheniensium & Lacædæmoniorum Populos, a quibus initio jura sua mutuabatur Romanus §. 10, J. de J. N. G. & C.

*Semper secutus est, fatentibus non solum ICtis consummatis, Gravi-
na de Ort. & Progress. J. Civ. Sect. 1. Coccej. de vero debitore sen-
tent. absolut. pr. Sed & Philologis acutioribus. Camerar. Hor. Sub-
civ. Cent. I. C. 48. f. Eademque semita populus processit, non so-
lum, cum sub infantia sua nullam certam legem, nullum certum jus
agnosceret, omniaque manu a Regibus gubernarentur. L. 2. §. 1. de
O. J. Sed & incrementis aucta Republ. cum praesertim Epocha III,
post fundatam LL. Rempubl. plurimi illi fontes atque causa colenda
Jurisprudentia subnascerentur. Struv. syntagin. I. Ex. I. §. 63. Un-
de jam subtiles illi in judicio procedendi mores publica quoque de jure
Responsio, quaque via & actione Tuum commodè persequi semper
possis clara cognitio, nihil aliud Gravina esse videtur, quam: Legi-
bus & moribus Romanis perscripta atque connotata recta ratio, qua
adeo D. Augusto, at quanto Principi? arrisit, ut Prudentes ex auto-
ritate sua, i. e. Ipsius Majestatis Rom. respondere vellet. L. 2. f. de O.
J. Cujac. & Hotom. Welenb. ad §. 8. J. d. J. N. G. C. quibus proin-
de tribuit Theophilus νομοθετικὰ jura condere; sed ut recte idem:
κατὰ πείσιν καὶ ἀπόκρισιν per consultationem & responsionem, cum
jam sub statu populari nulla quidem lege id constitutum, sed antiquis-
simo majorum more id institutum, fuisset, distaque haec pars in specie,
jus Civile l. 2. §. 5. d. O. J. ex qua ultima antiquitate, omnino recte, eti-
am hodierna ICtorum autoritas ducitur, de qua Schultz ad J. de J. N.
G. C. lit. c. Philipp. Eccl. 23. 24.*

14. Argumenti praesentis occasio.

*Hec igitur ICtorum Romanorum accuratissima sane ratio tum &
selectio, & subtilitas, qua tum cetera, tum Rubrica nostra in specie ar-
gumentum tractarunt, principaliter vero ipsius utilitas, qua ad omnes
juris in re & ad rem partes pertinet, nos permoverunt, ut illud breviter
tractaremus. Nam & veteribus ICtis, hoc conditionum Juris
Gentium argumentum, tanti visum fuit, ut excusatione dignissimum
id judicarent. L. 25 de. O. & A. & recentioribus inde ICtis, Seculi XVII.
XVIII. interque Eos nominatim Illustri Coccejo & Johanni Schultzen
& Szulecki honoratissimis Viadrinae olim Academiae Antecessoribus, oc-
casio, contentions disputationisque recipiendi ferram, inde enata
fuerit: dum alius conditiones illas Juri G. alius Juri Civ. promiscue*

tribuit, alius instituta conditione propter rem, dominium in Rem ex fictione Juris Civilis interea transferri, alius secus existimat. Post horum igitur & virorum Excellentiss. & ingeniorum insignium fertiliss. messim, satis nobis visum est, præsens saltem spicilegium collegisse. Cic. 2. de LL. 18.

15. Methodus.

Cum autem in omni scientia ordo certus a natura constitutus reperitur, quod non solum scientia, sed & ejus ordo ad cognitionem perfectam requiritur, Cic. I. O. 40. Barbof. Thef. voce: ordo L. 13. c. 30. Everhard. Topic. Loc. ab ord. 1. n. 6. quoniam ordo omnis tractationis quasi adjunctum est; sponte quoque se offert in nostra tractatione ejusdem exquisita quadam ratio, quam tribus sectionibus facillime expediemus: Cum enim primo substraverimus fundamenta, ex natura Actionis judicialis, in specie dicta, sponte 2.) inde fluat: quando nascatur, & quid sit conditio ejusque causa, in ipsi negotiorum humanorum speciebus? Unde 3.) & potestas ejus perspicitur, eximenturque scrupuli Doctorum quorundam virorum, quatenus ex eorum sententiis veritatis conceptum idoneum nasci non potuisse, modeste animadvertemus, ostendimusque neque dominium, neque aliud quodlibet jus in re, nec aliud quodvis remissius, quod ex obligationibus, sc. contractibus & Qu. delictisque & Qu. nasci dicitur, (quatenus illud ex dispositione Rei, in Actorem sive consensu vero sive presunto, sive facto ipso translatus est,) conditione instituta transire interim ad rem, sed potius ipso jure semper esse & manere apud condicentem, &c.

SECT. I.

Substernit Fundamentum ex Natura & Causa Actionis generali.

De voluntate, libertate, rursusque Necessitate Coactioneque dicendum principaliter.

D'estis paucis quæ generatim forum nostrum tangunt, jam potius de voluntatis quin totius hominis libertate in jure, rem ad liquidum perducemus: ut videamus, qui inde & unde nascantur agendi condicende, vel non agendi aut non condicendi

Causæ & effectus: ubi multifarie ambigitur, an Libertas rationem voluntatis quoque ingrediatur, & an utrique necessitas adesse, an vero utrumque abesse a voluntate possit? Porro an coactio, quæ ab hominibus inferitur, cum ipsa libertate aut intrinseca necessitate, aut cum voluntate consistere queat? An vero hæc moraliter invicem, vel saltem in disciplina juris opponere necesse sit? Et maximopere augetur controversia, per multifariam & ancepitam vocum harum acceptionem. Ita enim Philosophi: *Ea demum agere nos posse, quæ & non agere, ea velle, quæ & nolle*, Senec. 2. *Benef.* 18. *Si vis scire, an velim, effice, ut possim nolle, & Arist.* III. *Ethic. Nicom.* c. 7. *Quæ agere in nobis situm est, ea & non agere.* quod & L. II. *Eudamior.* c. 6. & alibi passim latius deducitur, quod & Icti Romani secuti sunt, passim contententes: *Non posse consentire, qui non & dissentire.* l. 12. §. 3. *de Captiv. & Postlimin.* *Nec velle, nisi qui & nolle;* l. 3. *R. I.* Ex quo etiam principio esse deductum videtur, quod *nemo adire hereditatem possit, nisi qui & repudiare, nemo eam velle, nisi qui & nolle,* l. 4. 18. *de Acquir. Hered.* Vnde circa viventis hereditatem (quæ contradictio in adjecto est) adeo non valet, ut ne quidem publ. autoritate accedente de ea fieri pactum. *61. de V. O.* 15. 19. *C. Pact. 5. C. Pact. convent. 4. C. d. inutil. stipul.* quod inde nec conservativum ullo inodo intelligi posse dicitur, 15. *C. Pact. f. de Suis & Legit. Carpzov. Jurispr. forens. P. II. c. 35. Def. 6.* Vnde eximitur scrupulus Mæstertii, 1. *de Just. leg. Rom. Dubitat. 41.* Aliud enim est, quod juri suo, *si, & quando illud exstiterum sit*, renunciari semper posse dicatur, ut: fructibus nascituris. *L. 1. §. fin. L. 99. D. de cond. & demonstrat. L. 37. V. O.* adeoque renunciatio Juri Hereditatis vel Successionis futuræ, ut Juris publ. tum etiam officiat, si a Majestate comprobata: *l. 16. de Suis;* ei vero, quæ præsens ac delata est, (utpote quæ jure publico delata est,) atque ideo jam adiri, etiam semper renunciari a privato potest. *L. 151. D. V. S. l. 10. §. 1. de Bon. Poss. contr. Tab.*

1. Quid libertas.

Quare imprimis conducet, terminos cum voluntatis, tum libertatis, tum necessitatis &c. rite constituere, ut, quid inter singula intersit, pateat. In qua definitione multum vertitur. Libertas enim facultatem agendi, ut lubet, innuit. *Cic. Parad. V. Libertas est, pote-*

stat vivendi, ut velis. Ex qua appellatione, velut capite, cætera sibi respondent. Inde enim ICTi Statum hominum deduxerunt, quo semper liberi appellantur, qui ipsi facultatem de se suisque statuendi habent: servi, cum alius in ipsos, non ipsi in se ac sua. Quæ tamen libertas sic in disciplina restringitur, ut ipsa de facultate non qualibet, sed honesta intelligatur. *L. 4. pr. de stat. hom. quo sensu Cic. libertatem esse dixit, Legibus vivere. pro A. Cluent. f. ut adeo certum sit, a libertate f. potentia agendi ut velis, nondum expediri totam naturam voluntatis.*

2. Quid necessitas.

Hæc vero ratione nec necessitas pugnat cum libertate; quia necessitas est vox relativa, cujus fundamentum est causa aliqua, vi sua immutabili aliquid gignens, ciens vel ordinans, cui inest vinculum & nexus & copula causæ, cum re effecta sive eventu; Ut *necessitas obediendi Deo* ipsi mandato Dei intrinseca. Hinc dicitur immutabile, seu quod aliter se habere non potest. Τὸ μὴ ἐνδεχόμενον ἄλλως ἔχειν; uti in ipso Deo absoluta necessitas esse dicitur; cui opponitur relata, quæ in creaturis cernitur, unde Aristoteles dicit: *generationes fatales esse*, i. e. secundum ordinem a Deo institutum fieri: & sic ipsi quoque voluntati necessitas assignatur, ut, cum vulgo dicitur: ἀρχόντων δεήσεις ἀνάγκαι εἰσὶ, i. e. *Principum preces sunt mandata*: & utilissima vitæ regula: quæ jubet necessaria facere; quo sensu obedientia dicitur necessaria. *Senec. III. Benef.* Neque solum in bonis, sed etiam in malis est insignis rerum consequentia: unde necesse est venire scandala. De qua prædictione Chrysostomus Epist. Paul. ad Corinth. inquit: *Dominus dicit, necesse est ut veniant scandala: non ideo arbitrii libertatem corrumpens, aut vitæ vim & necessitatem imponens, sed prædicens id, quod ex mala hominum voluntate omnino futurum est: quia horum voluntas immedicabilis fuerit. Non enim, quia prædixit Deus, hæc facta sunt, sed quia omnino ex mala hominum voluntate venturum erat, ipse prædixit.* Sic necesse est omnes homines mori; necesse est hæreses esse, 1. Cor. II. Phocyl. ἐκέρ, γὰρ δύναται τὸ τετυγμένον εἶναι αἰτίκτον.

3. Quid voluntas.

Neutra igitur pugnam patiuntur in iis, quæ de voluntate dicuntur,

tur, cujus ratio ac forma consistere perhibetur in *quadam allubescencia*, qua quis rebus quæ sunt acquiescit & probat singula ac in præsens præfert, etsi alio rerum statu aliud fortasse voluisset, quia circa libitum non quæritur, quid aliis casibus quis voluisset, sed quid nunc velit, ac in quo oblectetur, atque præsens objectum, ad quid impellat? Id enim volumus ad quod causæ, quæ nunc sunt, voluntatem movent, & impellunt, non, ad quod aliæ causæ, quæ non sunt, ducturæ essent: Alias enim voluntatis significatio nunquam locum inveniret, quia semper alio rerum statu aliter voluissimus; & velle proinde dicimur, quod in præsens volumus.

4. *Hinc nunquam pugnare cum voluntate 1. necessitatem.*

Unde primum cum voluntate non pugnat necessitas: Cum ad eam non requiratur agendi, aut non agendi, vel ita aut aliter agendi libertas, sed sufficit qualiscunque lubentia seu complacentia ejus, quod agitur, prout agitur. Rem illustrat mors ipsa, a qua etsi multorum natura hominum & procul refugere & abhorreere solet, *Cic. I. d. Leg. 31.* attamen posteaquam homo in gratiam ipsius sui majorem, fatalem ac inevitabilem a Deo pronunciatam, *III. Genes. 19. & 24.* cernit, potest jam homo (Christianus) volens & non innitus mori, ut ipse Dominus, Abrahamus aliique pii senes, ut D. Paulus, *Phil. I. v. 21. & 23.* & Cato quoque religionis aliqua particula, etsi non ubique infusata, innutritus, apud *Cic. d. Senect. c. f.* Similis est ratio in perpeffione rerum adversarum ac tolerantia, uti & fame ac inopia compulsi, panem cum emunt: quo major enim fames, eo majus emendi studium est.

5. *Nec 2. Coactionem.*

Pari ratione nec coactio voluntatem tollit: quemadmodum latroni viator metu mortis compulsus, equum cedit, aut qui se criminibus polluit, cum equuleis adigitur, verum fatetur. Id enim eligit vel præfert morti sive cruciatibus, quod initius videtur, atque in talibus angustiis ac necessitatibus constitutus hoc mavult, atque ita, & non secus vult.

6. *Quod illustratur a natura Coactionis.*

Nam non aliud est, quod in Latina Lingua dicitur coactio, (seu vis cogens etiam invitos & reluctantes, ut aliquid secus ac ipsi volunt, faciant, vel omittant,) quam necessarium, quod ferme idem, ac violentum seu vi expressum & extortum; quod tamen etiam in bonam

partem accipitur. *l. 155. d. R. J. infr. §. 22.* Ejusmodi coactio est, cum homines inquieti vinculis coercentur, ne grassari pro libidine, & flagitia designare possint: Nec dissentit Apostolus ad Phil'em: *Sine Tuo arbitrio nihil volui facere; ἵνα μὴ ὡς κατ' ἀνάγκην τὸ ἀγαθὸν σὺ ἦ, καὶ μὴ ἐκούσιον.* Ne necessitate, i. e. coactus magis quam libera voluntate ipsi beneficium hoc præstitisse videreris nec Cicero. c. 3. pro Ligario. *Nulla vi coactus judicio meo ac voluntate ad ea arma profectus sum, quæ erant sumpta contra Te.* Et si videri possint. Præter has igitur, propria coactionis est species, cum simpliciter externa violentia coguntur membra, voluntate in sua essentia relicta, ut: Balamus martyr cum thymiamata idolo adolere noluisse, vi rapitur ad aram idoli & manui ipsius vincitæ thus imponitur & accenditur, cum ipse manum cremari mollet, quam thus ardens in aram idoli excutere. Et hæc igitur coactio ad jura obtinenda & contra invitos in foro exequenda, sufficit. Quando enim metu & terroribus franguntur & impelluntur intrinsece animi, etsi juxta, vel præter officium; utraque tamen æque minus voluntatem impediunt, sed ad forum sublimius spectant, ut: cum de homine furaci, & metu furcæ ab aliorum bonis abstinente Poeta dicit:

Oderunt peccare mali formidine pœnæ.

Sic Phædra apud Senecam: *Quæ memoras, scio vera esse, nutrix; sed furor cogit sequi pejora: Vadit animus in præceps sciens remicatque, frustra sana consilia expetens.*

7. *Quæ utriusque fori, æque ac Libertas, esse dicitur.*

In his significationibus Coactionis vocabulum egregie secrevit Cicero, Topicis: *Facit etiam, inquit, necessitas fidem, quæ cum a corporibus, tum ab animis nascitur; Nam & verberibus, Tormentis, igne fatigati quæ dicunt, ea videtur veritas ipsa dicere: ubi ea quæ fori humani sunt, proprie tangit & mox nequit, quæ, quantum ad externam, saltem, eo trahuntur: & quæ a perturbatione animi sunt, dolore, cupiditate, iracundia, metu, quia necessitatis vim habent, adferunt auctoritatem & fidem.* Idem de inventionem: *Necessitudo autem infertur, cum vi quadam reus, id quod fecerit, fecisse defenditur; ut, cum magna in alto tempestas esset, vis ventorum invitis nautis, Rhodiorum in portum navim coegit.*

8. *Hinc ducitur, quod in Jure nunquam libertas hominis, Juris potestate restringi dicatur.*

Hinc perspicuum est, cur in Jure non solum libertas definiatur, §. 1. *J. Pers. naturalis facultas ejus, quod cuique facere libet*, sed & cur ex disciplina externa addatur: *nisi si quid vi aut jure impediatur*. Adeoque voluntati libertas semper ut comes individua jungitur. Hinc & tota juris disciplina firmissime statuit, quoties de *Justo* agatur, regulariter libertatem, cum voluntate conjunctam esse debere. Qua ratione ipsa Majestas, pacem bello armisque; Magistratus, Urphedam a se extortam, valere volunt, & Prætor, vi compulsus, quod promissit, ex promissione teneri, cum consensus integer sit, & conventionem, etsi vi extorta sit, tamen persistere nec rescindi, nisi vis illicita sit adeoque & ea puniatur, & per consequens ejus effectus omnino, Judicis autoritate tollatur; *Cic. I. O. 32. 33.* Ut adeo summæ esset imperitiæ, contendere, pacta vi expressa ob defectum consensus & libertatis non valere.

9. *Quod illustratur ex voce liberi arbitrii.*

Et quia tanta libertatis & voluntatis perpetuæque affinitas & vinculum est, non solum ipsis vocibus *voluntatis, arbitrii* &c. intelligitur libera voluntas, ac liberum arbitrium: ut in *L. 17. §. 3. D. Commod. & passim*, voluntas libera, seu arbitrium liberum dicitur. *L. 1. C. SS. Eccles. l. pen. C. oper. Libert. l. 5. C. Testam. milit. l. 19. f. C. Testam. l. 1. pr. C. de Tutel. l. 6. Arbitr. Tutel.* De nomine arbitrii idem constat. *L. 19. pr. C. Testam.* ubi arbitrium commutationis est libera commutandæ voluntatis facultas. *L. 74. pro soc. l. 33. Famil. Ercisc. & arbitrer est, cui libera statuendi facultas data, l. 27. §. 2. Recept. Arbitr. & arbitrium quoque, ad certam sententiam acceptum, l. 19. pr. D. eod.* æque ut aliud judicium capitur, in quo potestas Judici data, ex æquo & bono statuendi. *L. 38. pr. D. pro soc. l. 47. D. Fam. Ercisc. l. 24. f. depof. l. 6. §. 8. D. Comm. divid. Rubr. & tit. C. Arbitr. Tut. §. 31. 32. Actio.* Hinc ne metus quidem unquam ipso jure contractum tollit. *§. 1. Except. l. 17. C. Transact.* nam, cum ipsa voluntatis ratione, quam complacentia perficit, nec vis pugnat, nec necessitas, nec coactio, quia & voluntas coacta, voluntas est. *l. 21. §. fin. Quod met.* quod ultro necessitati concedere & annuere illa potest.

10. *Dubiorum resolutio.*

Equidem dici solet: Si cessarent vis & coactio, ipsum noluif-

se; qua rei specie motus *Aristot. Ethic. Nicom. 3.1.* voluntaria mixta, satis ingeniose pro sua hypothese constituit. Verum accurate loquendo semper tamen simplex & purissima, pro presenti statu voluntas est: uti, cum videmus ardente aliquem siti adactum vinum emere. Etsi enim cogitur a siti; consensus tamen & voluntas emendi adeo inde non impediuntur, ut potius inde magis moveantur, exacuantur & accendantur. Neque enim in ullo statu hominis aliud quaeritur, quam quid in praesens velit, probet, eligat? non quid alio casu voliturus fuisset: quod acute & graviter *ICtus l. 21. §. fin. D. Quod metus* ita exprimit: *Quamvis, si liberum esset, noluissem, tamen coactus volui.* Id enim, quod praesens, solum voluit; aliud vero ideo noluit, quia tum deinum id voluisset, si liberum fuisset, quae rerum conditio & *περίστασις* cum non adfuerint, manet tutum illud: *conditionem nihil ponere in esse.*

II. Cum voluntate proinde in omni iure coincidit libertas, necessitas, coactio.

Ceterum cum voluntate haecenus etiam coincidit libertas, necessitas, coactio; quia in voluntate aequae ac libertate, reliquis etiam positis, semper est facultas agendi pro libitu sive hoc, sive aliud. Sive enim absolutam & plenam libertatem, cum illimitata facultate agendi quod lubet, ponamus: sive comparatam aliquo modo & restrictam, ac inter certos quasi concellos conclusam, semper tamen remanebit libertas, vel sic vel aliter agendi. Ut in iure, cui executores immittuntur, potest aut parere aut majori crimine se obstringere, qualia eleganter illustrat Chrysippus apud *Ciceronem de Fato c. m. 28. §.* uti viatori a praedonibus compulso, liberum est sane vel rebus cedere, vel mori: satis publicis coacto vel Tyrannidem civium suorum probare, vel exulare: esurienti vel cibum emere vel fame perire; furi ad furem ducto vel ire, vel trahi, quo sensu quatenus de animo loquimur, semper etiam plus ultra Libertas ei competit: ut cum de coacto dicit. *Cic. orat. pro C. Rabir. c. fin. Quod qui in praedones inciderint aliter faciant (ut velint) coacti, aliter liberi.* Ut in *l. 21. §. fin. Quod met. Liberum ei non est (ut esse) statuere.*

12. Ex coactione nunquam opponitur ceteris speciebus, nisi vitio Rei.

Adeo sane certum est, cum necessitate & coactione voluntatem & cum hac semper libertatem, proindeque & cum libertate, coactionem

tum animi tum externam stare posse: quia hæc ubivis est potentia agendi aut non agendi, vel hoc aut aliud agendi; Sic enim in animi præcipue nulla vis, nulla coactio humana vim habere potest. Quo sensu *Cic. Parad. V. Solor sapientes liberos esse* prædicat. Tam certe hæc facultas hoc vel aliud agendi, vel saltem agendi aut non agendi, non pugnat cum animo, imo nec cum rebus externis & corporeis, etsi usque ad internecionem hominis pergat: & proinde coactio etiam in jure nunquam opponitur speciebus ceteris, nisi vitio Rei ipsius, non Juris. Ut, cum alicui certa coactio vel necessitas certæ rei agendæ, externe sc., non in animo, (qui non spectat ad forum humanum *l. 18. C. de pæn.*) impingitur. Hic enim pugnat coactio cum libertate, solius Rei Vitio, eoque sensu dicitur in *l. 21. §. fin. Quod metur: Liberum Ei non esse statuere*; si verbum *statuere*, non ad animum, sed ad rem externam, de qua controversitur, quæque Jurisdictioni humanæ subjacet, retrahas, & libertatem infringi etiam externam non putes, nisi solius Rei vitio, §. 1. h.

13. *Nexus dictorum & Applicatio ad Actiones.*

Ex iis, quæ dicta sunt, clarum est atque perspicuum, quid differat voluntas & libertas? quatenus item inter se & cum obligatione ac necessitate coactioneque componi possint? Et quæ cujusque eorum sit ratio? Quæ ideo curatius proponenda fuerunt, quia tum inter Philosophos, tum vel maxime inter JCtos convenire debet, quomodo singulæ species vocum accurate & solide pro vitæ communis usu sint discernendæ & conferendæ. *Id. ad Rubr. de V. S.* quæ enucleatio tantæ est efficaciz, ut etiam causis agendi & condicendi illustrissimam lucem inferat, *per seq.*

14. *Actionum humanarum & judicialium causa in genere, naturalis rerum suarum administratio.*

De causa igitur actionum in genere nulla est difficultas, quæ non est alia, quam ipsa naturalis rerum suarum Administratio, cum actio etiam judicialis *l. 51. d. O. & A. pr. Instit. de Act.* ideo ab agendo dicta, & in Jure maxime ad duo firmamenta rerum nostrarum referatur, 1.) Jus petendi, *dd. LL. 2.)* ad petitionem seu remedia, quibus jus illud persequimur, *L. 12. D. Reb. dub. L. 1. de Except.* sed hæc ratione spectant ad secundum juris obiectum. *Hopp. Comm. de actionibus pr. Lyncker. Anal. ad Rubr. Fod.* cum alias peculiare Juris obiectum & firmiff. *juris* Disciplinæ rationem constituent.

15. *Quæ ad negotia Extrajudicialia & Judicialia applicatur.*

Verum id etiam perpendendum : Actionis vocabulum ad omnes actiones humanas, domesticas, forenses, civiles, bellicas &c. generatim applicari solere, etiam tum, quando secundum veniam conceditur infirmioribus iudicio contendere. *Augustin. Enchir. c. 78. & ibi Danaus n. 7.* In significatione vero Juris civilis itidem per genera ad speciem res descendit. Nam accipitur I. generalissime, pro qualicunque remedio Juris, quomodo & Exceptionem & Acculationem quandoque continet. *t. t. C. quando Civ. act. l. 1. de Except.* ut apud Germanos, omnes comprehendat : *Kläger und Anklägere, Beklagten und peinslich Angeklagten.* II. Generaliter pro iudicio civili, ordinario & extraordinario, (cujus divisionis hæc est ratio : Scilicet Prætores in exordio suæ potestatis æque ac alii magistratus causas ipsi cognoscebant, *Rosin. Antiquit. Rom. L. IX. c. 6.* mox vel augendæ auctoritati suæ, vel ob negotiorum multitudinem & frequentiam, non, nisi extra ordinem judicabant, cum favor, necessitas, vel alia prægnans ratio id suaderent, *t. t. de Extraord. Cognit. Struv. Syntagm. E.* Ordinarie vero cognitio summarie partium iuribus : An & qualis Actio competeret ? pro re nata iudices Pedaneos constituiebant, eosque diligenter legebant. *Rosin. L. IX. c. 18.* Is proinde modus ordinarius, hodie abolutus & res ad primum seu antiquum ordinarium modum rediit, quod vult *Stryck. Prax. forens. c. 1. §. 11. 12. Magnif. D. Mencke. Proc. Jur. Comm. & Saxon. l. 1. seq. Stranch. ad D. 21. Th. 1.)* quomodo & interdicta & præjudicia & stipulationes Prætorias continet. *l. 37. d. O. & A. 34. V. S. vel III.* Specialiter pro actione in rem, qua persona invita & rem iustam vero domino detrectans cedere, convenitur, quæ proinde significatio magis proprie ad scopum nostrum accedit. *l. 35. §. 2. l. 39. D. de procur.*

16. *Actionis illa natura generalis ex ratione & sermone hominis illustratur.*

Hanc Actionis Latitudinem, eleg. *Cic.* illustrat : Postquam enim dixisset : *Primum esse, quod cerneretur in universi generis humani societate ; Eiusque vinculum esse rationem & orationem, quæ docendo, discendo, communicando disceptando, judicando, conciliaret inter se homines conjungeretque naturali quadam societate : neque ulla re longius abesse nos a natura ferarum ; l. O. 16.* Deinde

hanc

hanc vim Orationis dupliciter partitur, alteram *contentionis*, alteram *sermonis*: Contentionem disceptationibus tribui vult iudiciorum, concionum, senatus: Sermonem vult in circulis, disputationibus, congressionibus familiarium versari, persequi etiam convivia, c. 37. utilitatemque utriusque comparat. *Nam cum duplex sit ratio Orationis, quarum in altera sit sermo, in altera contentio, non est dubium, quin contentio orationis plurimum possit & maiorem vim habeat ad gloriam. Ea est enim, quam eloquentiam dicimus. Sed tamen difficile dictum est, quantopere conciliet animos hominum, comitas affabilitasque sermonis.*

17. *Et specialis in Theoreticam & Practicam. Hec in civilem & criminalem dispartitur.*

Illum vero rationis & contentionis modum, speciatim deinceps iterum dispartit in Theoreticum & Practicum. Hunc in civilem & criminalem. *Nam in iure cavere, consilio juvare atque hoc scientia genere prodesse quam plurimis, vehementer & ad opes augendas pertinet, & ad gratiam. Itaque cum multa præclara majorum, tum quam optime constituti Juris civilis, summo semper in honore fuit cognitio atque interpretatio: quam quidem in possessione sua Principes retinere solent. Atque huic arti finitima est dicendi gravior facultas & gravior & ornatio. Quid enim eloquentia laudabilis & præstabilior? vel admiratione audientiam, vel spe indigentiam, vel eorum, qui defensi sunt, gratia. Huic quoque ergo a maioribus nostris est in tota dignitate Principatus datus. Diserti igitur hominis & facile laborantis, quodque in patriis est moribus multorum causus & non gravate & gratuito defendentis beneficia & patrocina late patent. C. 19.*

18. *Causa actionum in iure non est obligatio per se.*

Hinc operæ pretium est, causam veram & proximam omnis huius Actionis indagare, in quo maior difficultas est, quam ingenere, §. 15. b. Etenim sola obligatio per se non inducit Actionem, idque manifestæ rationis est. per §. 1. g. b. & porro actio definitur: *Jus persequendi in iudicio quod sibi debetur. pr. d. Act. l. 51. D. cod.* Igitur agendi ratio consistit in adstringendo invito, ut nobis solvat, quod ex necessitate debetur, quam solum Jus ad rem, ex nostra, & obligatio ex alterius parte, adeo non infert, ut potius repugnet. Actionis enim

vis est in invitos & reus inde compellitur, adstringitur atque vinculo quodam ligatur, ad faciendum, etsi nolit, neget, repugnet; Jus vero ad Rem & obligatio etiam volentem non invitum arguunt, hæc enim inter se arietant. Cumque proinde, uti quis de sua re voluntatem declaravit & jus suum certo gradu in alterum transtulit, ita jus sit, utique sola obligatione expressa, non exprimitur *Agendi* necessitas, sed *sponsaneum*: ut cum quis dicit, se velle solvere, non id significat, se cogendum, trahendum, compellendum esse. Igitur, si Tecum in Jure Tuo, Tibi salvo concedendo, consentiam, nec ullum jus Tuum, quod in re, vel jus, quod ad rem habes, i. e. Obligatio mea, me adstringit, quæ pugnant: Nec Tua, quia, quod Tu vis, sive ex Jure Tuo in re, sive ad rem, id ego Tibi non denego. Unde denique, nec jus in re, nec ad rem, nec obligatio, qua talis, & per se sola, potest esse causa compulsivi, seu Actionis.

19. *Sed obligatio vitio suo inviti, qui justitiam infringit, & certum gradum juris mei i. e. rem tradere promissam, vel meam, mihi permittere recusat.*

Quæ igitur obligatio est causa actionis seu conditionis? Resp. Causa actionis in genere, quoad jura 1.) in re, est tale factum ac repugnantia alterius, quo alteri quid abesse occipit: nec adeo jus ipsius integrum est, & 2.) cum talis commutatio juris facta est, qua non præstita, alteri quid abest, nec jus ipsius integrum est. Quando enim facto Tuo aliquid obligasti, ut in quasi contractibus, vel tali voluntatis declaratione, qua vel in re Tibi tradita Jus retinui, ut in contractibus qui resunt, vel Jus Tibi concessi, at non dum tradidi, ut in ceteris: Tuque isti facto Tuo, vel voluntatis declarationi, ut æquitas postulat satisfacere non vis, iniquum est quod agis, & cum omni æquitatis ratione pugnat, indeque mihi denum nascitur contra Te, imbecillitate, vel vitio Tuo invitum, Actio, qua id ago, ut meum mihi tribuatur. Cum igitur justitiæ lex & formula sit, *suum cuique tribui*, sequitur, quoties aut mihi obstat, quominus rem meam mihi vindicare possim, aut quoties ex tali commutatione mihi quid abest, id ex hac formula a Te mihi tribuendum esse, quæ tunc *meum* mihi tribuendi necessitas (quæ in Te quoque si absque vitio esses, foret ipsamet libertas. pr. §. 4. s. f. h.) est ipsamet Actionis definitio, & *causa impulsiva*.

20. *Ergo Rerum administrationem, mediate & indirecto, obligationem inviti & Jus rerum turbantis, immediate & directo esse causam actionum.*

Jure igitur Gentium administratio rerum actionesque, sive domesticæ sive forenses, extrajudiciales & judiciales, non sunt directo & *immediato* causa Actionis, sed factum ipsum alterius & juriurum nostrorum delegatio, quam alter contra Nos init; quia hoc jure Actionis quisque rem suam defendere potest: & prout æquæ ipsius propositiones sunt, sic iudex annuit. Quotiescunque Ergo indicio certo pars adversa mentem & voluntatem suam ita exponit, ut appareat, ipsam Juribus meis & æquæ petitioni obniti, oritur inde efficax, & id, quod in juris disciplinâ ACTIO propriissime dicitur. Nihil enim tui naturale est, quam ut cuivis, qui res suas bene administrat & agit, Jura subveniant, adeoque ut iudex adjuvet persecutionem, in judicio, quæ agentibus debeantur, rerum. *pr. Act. l. 51. Rod.* Et quemadmodum ergo proba & recta rerum administratio est causa actionis etiam judicialis, ita illa reluctatio & obnitiencia inviti, ideoque Rei dicti, est causa Actionis Juris *supr. §. 14. 15. 18. 19.* Verum negotiorum illa tanta administratio, tum cetera, tum judicialis, *immediato* tantum & per indirectum producit Actionem, non per se sola, vel qua talis, sed quoties talis per eam oritur efficacia contra talem invitum: Tum enim ille tenetur, non vi actionis mex ingenerere, sed quia obstitit; vi Legis illius naturalis ut *sum cuique tribuatur.* Hinc & pereleganter *Condictio s. Actio* penitus non competere dicitur, cum nulla injuria facta. *exempl. l. 38. Famil. Erscf.*

21. *Hinc ostenditur, quomodo Actio ad peculiare, sc. tertium species juris obiectum.*

Exinde etiam illa Joris rerum & Actionum sanctissima quædam differentia patet inculcata. §. 12. d. 7. N. G. C. Nam res in J. est, quicquid in hominum usu esse potest, qua tale, cum suis causis. l. 23. V. S. Coccej Hypom. R. D. §. 7. Hac enim vocula, ut scholæ loquuntur reduplicativa discernuntur res & personæ, ab Actionibus. Sic enim servus, quatenus persona, non est in usu hominum: quia tantum res sunt in usu hominum, non personæ. Coccej. de domin. orbis C. 1. §. 5. f. & porro quatenus de Qualitate ejus quaeritur, an liber sit, an servus? nondum est in usu hominum; quia nondum hic quaeritur de ulla utilitate, quæ ad nos pertinet; Quatenus autem in patrimonio alicujus est, & ratione utilitatis

tatis

tatis operarum spectatus, jam est in usu hominum. Domino enim in servos suos Jus reale competit: i. e. quod eum vindicare possit: Hinc etiam diversitas illa Actionum præjudicialium &c. & de ipsis præjudicialibus diversa illa explicatio; qua alii eas ex Jure personarum ducunt: ut *Schwendendörf. Act. for. C. 2. § 9. seq.* alii simpliciter ex Jure rerum *per §. 13. Act.* juxta primam sententiam. *Böckelm. Aff. Tract. spec. §. 8.* In priori casu tantum Actionem Præjudicalem dari volunt: in altero Rei vindicationem *l. antepen. de stat. Hom.* Juxta posteriorem sententiam, quam uos probamus, ipsa etiam libertas vel servitus personæ, ut utile aliquid concernitur: & sic de ea datur Actio Præjudicialis, de Rebus ceteris Rei Vind. &c. Et si igitur etiam actiones, quatenus iis aliquid petitur, pertineant ad Jus Rerum, certum tamen est, quod Actiones, qua tales, non comprehendantur voce rerum, quia qua tales non sunt in usu hominum, sed aliquid sanctum natura constitutum. Ita, cum quaeritur, an actio aliqua sit realis an personalis? hoc non pertinet ad res: verum ad disciplinam *Juris de actionibus* in genere? quoties illæ ut remedia considerantur. Et si enim Actiones ex contractibus oriundæ, continere videantur utilitatem, quoniam vendi, legari & quocunque modo in alium transferri possunt, dicimurque ex illis fieri locupletiores, ut adeo in usu hominum esse videantur: Attamen Actio, qua actio, ex Tertio juris objecto considerata non habet utilitatem, sed quatenus in illa aliquid continetur, vel ea res aliqua petitur, eatenus tantum in usu hominum est, quemadmodum ex Jure personarum, servus, qua servus, vel qua Persona, non est in usu hominum, sed quatenus tantum dominium in illum habemus. Continentur ergo & Personæ & Actiones ex contractibus oriundæ &c. sub *Meo & Tuo*, ac voce rerum, quatenus *Earum cause*, sc. contractus vel res, sunt in usu hominum *L. 23. V. S.* Uti enim e. g. dominium pertinet ad jus in re, & res ex obligatione debita ad jus ad rem, sic etiam effectus & jura harum causarum in usu hominum sunt, & quod in usu hominum est, id recte rerum nomine venit. *L. 23. V. S.* cetera itaque, uti Personæ & li. l. Actiones, ad primum & tertium adeoque separatim & sublimius quasi Juris objectum pertinent.

22. *Hoc Jus Gentium accurate secuti Jcti & Græci veteres, Causam actionis s. conditionis dixerunt Synallagma inuiti: Unde jus ad rem; personale.*

Atque hoc egregia judicii sagacitate & solertia perspexere Jcti Romani

Romani ac Græci veteres: qui ideo *Συναλλάγματα ἀκέρεια* protulerunt, & ideo causam Actionis Conditionisve unicam in negotiis forensibus dixere obligationem *Personæ*: & Actionem: *Personalem*: supponentes semper saltem Quasi-contractum, l. 36. *Fam. Ercisc. l. 178. V. S. §. 2. J. Quib. mod. toll. oblig. add. Gronov. Antiquit. Tract. de Jurisdict. Græcorum (Tom. VI.) cap. 14. f.* Quia negotium in judicio, justum recusans, magis se obstringit; Unde & *Novatio Necessaria* dicitur, quæ per litis contestationem fit inter Actorem & Reum, L. 11. §. 1. l. 29. *D. Novat. l. 3. §. 11: D. de pecul.* quæ tamen priorem obligationem non consumit aut exstinguit, sed auget. L. 41. §. 1. *de Fidejuss. l. 2. Cod. de Judic. §. 1. J. de Perpet. & Temp. Act.* Unde Actio quatenus manet & durat, manet contra invitum, §. 8. d. A. & in personam §. 1. 3. 8. 14. 15. 17. 20. E. & ad condemnationem. Alias enim omnia Judicia sunt absolutoria, §. ult. d. *perpet. & temp. Act.* Ita etiam locuti sunt in §. 6. *de Oblig. quæ ex contract.* *Indebito soluto, perinde est, qui accepit, obligatur, ac si mutuum ei daretur, & ideo conditione tenetur.* Hinc Actioni omni etiam *passivum* quid tribuit Jctus 124. *V. S.* imprimisque ait: *Actionis verbo, perfectionem contineri 34. E. & Litis nomen omnem Actionem significare, sive in rem sive in personam. 36. E. & ex hac insigni efficacia, etiam Meorum & Tuorum nomine Actiones significari l. 91. F.* id enim apud se quisque habere videtur, de quo habet actionem, habetur enim, quod peti potest. 143. *V. S.* hinc etsi actionis verbum, generale & in rem & personam, species tamen ipsa utrobique semper est in *personam*. 178. §. 2. *V. S.* tam firmitate effectû, ut semper is, qui actionem habet ad rem recuperandam, ipsam rem habere videatur. 15. *R. I.* & quamvis contra alterum, vi quadam juris experiatur, tamen nullam vim facere dicatur, dum jure suo & ordinaria actione utitur. 155. *R. J.* is vero solum stringatur, contra quem actio datur. *Rubr. C. Ne Uxor pro Marit. v. l. Marit. pro Uxore vel Mater pro Fil. & Ne Fil. pro Patre vel Pater pro Fil. emanc. vel Libertus pro Patron. vel Servus pro Domino conv.* heredes vero & contra heredes, ex persona, non sua, sed defuncti. *Rubr. C. per notiss.*

23. *Illustratio, ex nominibus conditionum.*

Cumque sic actio supponat aliquid contra invitum & animus ab altera parte abhorrens, utrinque inde significetur, hinc memorabile est,

D

quod

quod in actione instituenda omnes heredes regulariter consentire debent, & unum Procuratorem dare, e. g. in Redhibitione *31. §. 5. 7. Edil. Edict. j. §. 8. 10.* nisi, sine damno rei, secus fieri possit. *d. l. §. 6.* adeoque ille character perpetuus est, in omnibus Actionibus, etiam, quando negotium, cum eo gestum, qui in aliena potestate est; in noxalibus, perpetuis, temporalibus, ad heredes & in heredes transitoriis &c. in Rem, & Personam; quod inviti renitentiam & ejus compulsionem, Icti causam vocent actionis. Hinc illud græcum *ἀγρεω*, ducere, trahere actionem. *Donell. l. 19. Comment. C. 1. ibi Hilliger Lit. a. b.* Hinc & ceteræ voces, coactionem inviti involventes: ut Judicium *L. 1. §. 1. de dol. mal. L. 1. pr. publ. in rem act. L. 1. pr. L. 5. §. 6. de His qui effud. L. 37. 47. 49. Fam. Erisc. L. 1. 2. Comm. divid. L. 1. serv. corrupt. l. 3. §. 3. de Aleat. l. 1. præscr. Verb. §. f. 3. de obligat. quæ Q. ex delict. §. 20. 3. d. Act. §. 1. 4. 3. d. O. Jud. Persecutio pr. 3. de Except. L. 69. de Fidejuss. L. 3. 7. C. Præscript. 30. ann. Petitio: L. 1. pr. d. Scæ. Maced. Querela. L. fin. de injus voc. Auxilium, sc. Actoris *L. 16. pr. de Min. L. fin. §. 5. C. de jure delib. Jurisdicctio l. 14. C. Fidejuss. Litigium L. 3. C. Fin. regund. Controversia L. 16. de Except. Intentio L. 66. Judic. Querimonia L. 3. C. Fin. regund. Conventio §. 24. Action. L. 4. 73. §. 2. de Judic. &c.**

24. *Hoc jus accurate & solenter à JCtis perspectum & expositum, sæpe parum ab interpretibus intellectum.*

Hæc etsi a Romanis accurate & solide definita & exposita fuerint, crucem tamen sæpe fixere Interpretibus Juris tum antiquissimis illis, tum & aliis recentioribus, ut mirum sit, quam sæpe ipsi cum vocabulis his vagentur, & in causa Actionis, speciatim dictæ, seu Conditionis definienda vacillent, & actiones in rem & in personam, longe alia ratione fingant & accipiant, quam a Romanis Ictis conceptæ illæ fuerunt. *pr. & §. 1. de Act.* itaque in differentis actionum, simplicium, mixtarum, in rem scriptarum &c. hæreant, ut facile appareat, sæpe ignaros fuisse, quid ipsi sibi vellent, cum tamen res, ex iis, quæ allata sunt, vel infinis ex plebe ingeniorum, jam clara esse possit & ex duabus sect. seqv. magis clarescet: ut concludere vobis liceat illo *Seneca: Philosophia non rejicit quæpiam, nec eligit, omnibus lucet. V. Epist. 44.* & Juris Ignorantem Sapientiæ neglectui tribuamus: *Ad sapientiam quis accedit,*

cedit, quis dignam judicat, nisi quam in transitu noverit, quis Philosophiam, aut ullum liberale respicit studium, nisi cum ludi intercalantur, cum aliquis pluviis intervenierit dies? VII. Natural. 32.

SECT. II.

Conditionis originem & Ejus causam per species definit atque declarat.

Transitus ad conditionis causam per species declarandam.

Nunc Conditionum quoque, quæ Jure Gentium, vel civili *infra*. Sect. 3. §. 8. f. dantur, rationes specialius evolvendæ. Nihil enim accuratius & magis exasciatum Conditionum argumento, in Jure Civili reperiri, una & constans Interpretum Juris fuit ratio. Condicere enim in jure est, rem s. *jus suum* Judicio repetere: de qua simplici & absoluta propositione multæ ac varix jam oriuntur Juris Quæstiones quas Dd. movere solent. e.g. Quidnam antiquus Judiciorum mos, quo partes ipsæ diem sibi condicebant, quo in judicio afforent Juris experiundi causa, sibi voluerit? *Brisson. de verb. signif. L. 3. voc. condicere. Hotoman. §. 15. de Action.* quomodo *Condictio* communis dicatur, omnium Actionum etiam Realium? Quomodo Vindicatio & formula: *Ajo hanc rem meam esse*: ab Actionibus in personam, & formula: *Ajo Te mihi dare oportere*, differat? §. 1. *ibique Vinn. J. d. Act. n. 15. Hotom. ib.* Cur Actionum nomen, proprium Personalium dictatur? *L. 25. d. O. & Act.* In quonam Ergo consistat species earum rerum, de quibus agitur: *Dari oportere*? *d. §. 15.* Quæ singula perspicua sient, modo paucula ante notata fuerint.

1. Removetur varia confusio juris in Re & ad Rem. sive in Rem & Personam.

Primum igitur opera danda est, ne ista confundantur, quæ JCI Romani, maxime secreta voluere: Illi enim naturalem rationem secuti, nullum aliud agendi fundamentum, quam aut Jus *in Rem* aut in *Personam* agnoscunt. §. 1. 3. 8. 14. 15. 17. 20. *pass. Act.* quod nonnulli Dd. Jus in Re vel ad Rem dicunt. *Lauterb. Comp. de Divis. Rerum.* Equidem Jus in re sive reale explicari potius posset, quod in ipsa re ex aliquo justo Titulo nostrâ, tranquille, nemine contradicente tenemus:

Cujusmodi species sunt, quæ à Dd. communiter memorantur : I.) Dominium 2. §. 1. *ff. servit. vindic.* 13. §. 1. C. de judic. Hahn. *diff. de jure rerum, Conclus.* 18. II.) Jus hereditarium, 5. §. 5. de *bis qui eff.* 8. C. ad *Exhib.* Hahn. *Concl.* 64. III.) Pignoratitium 30. *Noxal. Act.* 19. *damn. infect.* 17. de *Pign.* IV.) Servitus 30. *Noxal. Act.* 19. *Damn. infect. arg.* §. 2. *J. de Act.* 2. §. 1. 8. §. 3. Si *servit. vind.* V.) Possessio, *arg.* 1. §. 1. de *superfic.* 1. §. *fin.* & 1. 2. *Vti possid.* 3. §. 13. A. P. Hahn. *Conclus.* 31. 60. quatenus ea ex Jure mutuatur. Coccej *Hypomn. de Rerum Divis.* §. 16. 17. *Disp. de Jure ejus quod facti, Sect.* 1. 2. De quibus valere potest illud Ciceronis. l. O. 24. & c. In tranquillo temp. statem adversam optare, dementis est; Cum vero idem rectissime addat : Subvenire autem tempestati quavis ratione Sapientis, eoque magis, si plus adipiscere re explicata boni, quam addubitata mali. Et cum hoc posterius tum hodierni status inter homines, tum Juris disciplinæ proprium sit, dicendum potius, Jus in re in litem quoque deductum, h. l. a Lauterbachio & c. intelligi, proindeque potius quæri : quæ sit causa Actionis juris in re (imperatorii, in rem) & ad rem, (Imperatorii in Personam?) §. 1. *Act.*

2. *Dubium movetur : An Jus in Re etiam ex dispositionibus seu Contractibus oriri possit?*

Principale autem dubium movetur : An Jus etiam in Re ex dispositionibus seu Contractibus oriri, dici possit? Ejusmodi igitur jus in re, tum modis Juris G. acquirere posse videtur tum Juris civ. §. 11. d. R. D. t. t. de *Ufucap. Donat.* & præter modos illos, quos Natura ipsa perficit & quasi tradit, etiam traditione Hominum, secundum Regulam: *Nihil tam convenient est naturali equitati, quam voluntatem Domini, volentis rem suam in alium transferre, (ergo & ad quemcunque voluerit gradum transferre.) ratam haberi.* §. 40. R. D. l. 21. C. *Mandat.* Verum &, videtur etiam Contractibus, quos nulla traditio secuta est; Nam sane in his certo saltem gradu, dominium rerum translatum & alteri quæsitum est; Hinc & ex dispositione, quæ sit inter plures; de re commutanda, Jus inde in rem ipsam constitutum est, ideoque & si alter contrahens, prout dispositum, præstare detrectet, Jus inde in rem ipsam competit, prout placuit. Coccejus *Posit. Jur. G.* 8. *Confer.* Boeckelmann. R. D. §. 35. adeoque omnis actio quæ Imperatori Personalis dicitur. §. 1. *Act.* etiam videtur in rem ipsam esse; &

& hinc Lauterb. &c. Jus ad rem, hoc etiam sensu fortasse, rectissime confuixisse videntur?

3. *Cui respondetur: Jura denominationes suas ducere à potioribus.*

Verum his facile occurritur: Tam confuse enim Jura non loquuntur: quæ vocibus, non solum publico & communi more utuntur, sed & ex vera ratione Logica, semper à potioribus denominationes suas ducunt. *arg. L. 7. §. 2. de Suppell. legat.* Hoc enim sensu, Jus in re, fortius, melius, optabilius, dicitur Jure ad rem s. personali, i. e. ex contractibus oriundo, 1. §. 1. *de superfic. g. C. qui potior. in pign. 15. C. de R. V. & hinc Actionem in rem seu realem producere dicitur, §. 1. I. Act. l. 2. Pollicit. 6. C. de Bon. Autorit. Jud. Possid. 23. pr. de R. V. 17. de Pign. 14. §. fin. de Except. Rejud. 2. 6. si unus ex plurib. hered. indeque formulam: Ajo hanc rem meam esse. Brisson. L. V. de Formul. Et si enim persona aliqua, quando, vel tacite saltem incipit, huic juri nostro in re obistere, obligationem finul inducat, ex qua obligatione, altera illa formula incipit: Ajo Te mihi dare oportere, & unde Imperator dicit: nos Personam, ad rem præstandam habere obligatum, 3. d. O. & A. 2. pollicit. Atque adeo Actio: *Personalis*, a Personâ invitâ & reluctantè, prouata appellatur, L. 25. pr. O. & A. §. 1. J. Act. tamen semper à Principali nostro interesse, i. e. Jure Reali, Actio *in rem*, appellatur potius, *in rem* quam *Personalis* d. l. secundum vulgatam illam proportionem: *Plus continet minus. l. 21. d. R. J. 3. Tutel.* Quo sensu Imper. §. 14. *oblig. ex delict. expedire ait Creditori, pignori potius incumbere, quam in personam agere.* Contra vero, quando Personam, ex dispositione ipsius habemus obligatam, & res nobis promissa, nondum vero tradita est, Jus omnino imbecillius habemus, quod proinde cum altero illo fortiori confundendum non est, sed in specifica sua natura capiendum & considerandum: indeque simpliciter Imp. nasci voluit Actionem in Personam §. 1. *A. Lauterbachio*: subtiliter: Jus ad rem *d. R. D. Coccejio*: *d. Pos* §. etiam Jus in rem ex contractu seu dispositione obligatoria: quæ loquendi rationes, & propria Autoris cujusque mens ac sensus, ex regulis Hermenevticis infucatis probe distinguendæ sunt. Proprie itaque Jus in re, & inde Actio in rem est, cum res plene ad nos spectat, Jure dominii &c. Jus ad rem & actio in Personam, cum aliquis contractus s. disposi-*

tio perfecta de re tradenda &c. facta est. e. g. in Emptione Venditione, quæ statim, cum perfecta est, utrinque obligat, *pr. J. d. Empt.* Jus igitur ad Rem, etsi remissiori aliquo gradu videri etiam possit, Jus in Re; Ictis tamen, nunquam ita loqui placuit, qui duas species dictas, propriis nominibus insignire voluerunt & actiones quoque inde natas separare. Sic enim primum ex neutra specie nascitur Actio s. Condictio, cum quis alteri libere & voluntarie suum permittit ac tribuit, verum contra invitum denum nascitur Actio. *Sect. I. §. 19. f.* quæ proinde quoad causam proximam semper est ex Quasi-contractu, vel si animus dolosus & malignus in Reo, etiam ex Delicto vel Quasi, adeoque certissime semper ex Jure Personali. Ea-que Condictio, in remissiori illa specie dicitur Actio *personalis f. in personam*: in plenissima altera: *realis f. in rem*; adeo, ut nunquam Ictis placuerit, illam remissiore specie sive ex Contractibus Actionem, *realis* seu *in rem* nomine complecti: etsi utraque *Rei persecutoria* optime & rectissime dicatur. *§. 16. 17. Act.* quo proinde tendit *Coccejus Pos. jur. G. §.* cujus castissima mens nullo unquam modo a Jure N. vel Civ. abhorruisse mihi visa est.

4. Resolutio objectionum.

Soleat quidem objici: quod tamen nihilosecius illa etiam Actio, quæ vulgo *personalis* dicitur, in rem sit, quia est rei persecutoria, *v. Coccej. Pos. J. G. §. 16. 17. Act.* quin & accurate loquendo, Personam nec Jus N. nec Civ. obligationi subesse patiat, quin, solvendo interesse, liberari illa ab omni facto promisso possit. Cum enim obligatio & stipulatio, alia, in dando, alia in faciendo consistat, *l. 2. pr. D. de V. O. §. ult. J. E.* & dare, ex contractibus, significet: dominium transferre, sicque vel facto opponatur, *l. 75. f. E. §. 14. J. Act.* vel non faciendo, *l. 121. R. J. §. ult. Inst. V. O.* ad hanc obligationem faciendi debitor non præcise tenetur, sed præstlando id, quod interest, liberatur, *l. 13. d. Rejud.* unde & cum illud interesse, valde incertum & probatu difficile sit, cautelam necessariam suggerit Imper. stipulationi Faciendi, pœnæ stipulationem subicere, *§. ult. J. V. O.* nam ratio est in libertate hominis seu civis naturali, qui res quidem suas, se autem ipsum in servilem conditionem obligare alteri non præsumitur, alias enim libertas hominis cohiberetur, & homo se in servilem naturam indueret, quod disciplina Juris

privata autoritate fieri non permittit. Vnde & in ipsa Actione ob promissionem faciendi, instituta, non tamen simul urgeri potest factum, sed alterutrum. *L. B. de Lyncker Anal. ad Locam. n. 26. V. O.* ut proinde vel ex hoc capite, omnis actio in *Rem* sit. *Respondetur*: Longe tamen aliud est, actionem dicere *rei persecutoriam*, ut *Coccej. diff. l. aliud, actionem realem s. in rem*. Nam hac posteriore, ipsum dominum, seu aliud firmum jus *in re*, adeoque rem ipsam persequimur, pleno jure ad nos spectantem; Actione autem personali, persequimur rem, quia Ea, ex obligatione nobis debetur: adeoque & Interesse illud, ex facto promisso competens; quod proinde imbecillius Jus, s. *Personale*, cum altero illo fortiori seu *reali* confundendum non est.

5. *Resolutio aliarum objectionum.*

Instet tamen quis, & sententiam suam roborari putet posse, ex ipsis Contractibus, e. g. Eantione Venditione. Ea enim perfecta, licet res nondum tradita sit, emtor tamen certissimo quodam gradu Dominus esse dicitur, ideoque omne periculum & commodum ex re vendita, a tempore venditionis ad ipsum pertinet. *arg. l. 10. de R. J. & adeo ratione Contractus Consensualis, Emtor, jam dominus est, §. 3. Emt.* ut Venditor tantum credatur dominus, adhuc unice, ratione suæ indemnitis, ut pretium ipsi salvum sit, atque adeo, pereunte re vendita, ejus interitu, merito liberetur, *l. 22. N. O. Cz P. 2. c. 26. Def. 20. Lyncker Anal. Emt.* dum sufficit, quod interitus rei non possit imputari venditori. *l. 5. §. ult. D. d. Rescind. vend. Hop. C. J. Emt. Lyncker. Anal. ib. ubi Cujacio dissentienti respondet*; Imo Emtor, idem Jus accipit, quod habuit Auctor. *l. 156. §. 3. R. J. 175. §. 1. E. & omnino dominus est, venditor autem saltem pignoris loco, quod vendidit, retinet, quoad emtor satisfaciatur. 31. §. 8. Edil. Ediff.* Itaque omnino ex tali dispositione, etiam jus *in re* nascitur, quemcunque etiam dispositionis gradum ponamus. Cum enim venditor & emtor, dere & pecunia mutuo transferenda inter se disposuerunt, perfectus Contractus est, & uterque contrahentium in alterum aliquid transfudit: unde invito altero recedere non potest: nec venditor, etsi duplum offerat. *l. 6. C. Rescind. vend.* nec Emtor, etsi Arrham amittere velit: cum id quod ante fuerat voluntatis, ex post facto factum sit necessitatis. *l. 5. C. d. O. & A.* Verum *Respondetur*: in hoc nego-

negotio manifeste jus ad rem a Jure in re, f. Actio *in rem*, ab actione in *personam* secreta est. Nam Regula generalis est: Ex dispositione, quæ sit inter plures, de re commutanda, jus inde in *Rem* NB. *ipsam* competit, sed NB. *prout placuit. B. Coccej. Pos. I. G. 8.* Placuit autem, ut eatenus tantum sit rei persecutio, quatenus dispositum fuit, atque adeo neque ultra neque citra. Si enim nuda promissio, f. pactum de emendo factum fuerit, ab eo impune receditur, quia sc. negotium imperfectum est ratione obligationis, *Coccej. Vsu & diff. Pact. 2. §. 18.* cum primis, si arrha data non sit; si data sit, receditur cum dispendio arrharum, quod perquam civile est. *pr. J. Emt. L. 17. C. Fid. instrum.* Si vero Contractus verus & perfectus, & dispositio seu translatio juris facta, paritur Actio Emti & Venditi: Illa, oblato pretio, *l. 13. §. 1. D. de Act. Emt.* adversus Venditorem, in ipsius quasi dispositionem, ad tradendam rem, cum fructibus accessionibus & omni causa, a tempore contractus perfecti. *l. 13. §. 10. 12. de Act. Emt. l. pen. C. cod. & Actio Venditi, Venditori, qui rem obtulit. l. 25. D. d. Act. Emt. l. 5. f. C. Evisct.* adversus Emtorem, ad pretium dandum nec non ad usuras a tempore moræ, cæteraque. *l. 13. §. 18 19. Act. Emt. l. 38. E.* ubi proinde Actio est omnino rei persecutoria utrinque, neque in arbitrio venditoris est, interesse saltem Emtori præstare *contra Backelm. §. 9. Emt.* Verum illa tamen est tantum in personam & ejus dispositionem, prout dispositum & prout placuit: quia illa dispositio & res, de qua dispositio facta fuit, Personæ quasi adhuc cohæret. Nam nec jus in illa *re* perfectum, unquam habuisse dici Emtor potest; nec Dispositio, Traditio est. *Traditionibus autem, non contractibus, quos nulla traditio secuta est, dominia rerum transferuntur. l. 20. C. Pact.* Proindeque Emtori nec Actio *in rem*, seu *realis*, verum *ad rem* seu *personalis*, tantum concedi potest, nec a Ictis unquam alia concessa fuit. Quod secus est cum emtio, per numerationem pecuniæ & Traditionem rei impleta & consummata, adeoque jus *in re* utrique parti natum fuit. Si enim tunc, ille, olim Venditor, Emtorem, in hoc jure reali semel perfecte quæsito turbaret, tum Actio *realis f. in rem* nasceretur: quæ ante traditionem illam, ne quidem concipi poterat. Et hinc argute: *Alienatum, non proprie dicitur, quod adhuc in dominio venditoris manet: venditum tamen recte dicitur 67. V. S.* adeo sc. accurate loquuntur Icti, ut Actionem in *rem*,

rem, cum actione in *Personam*, scil. ejus dispositionem, etsi utrique rei persecutio, diverso tamen modulo & gradu cohaereat, nunquam confundant: Unde jam intelligitur. §. celebris i. *I. de Act.* conf. cum §. 16. 17. & *Beat. Coccej. posit. Jur. G. 8. Bäckelm. de Rer. Divis. p. m. 69.* & cur utraque tum jura *in re* tum *ad rem* tractentur in Jure Reum *J. de R. D. usque ad Tit. de Act.*

6. *Hinc Conditionis natura omnis regulariter ex Jure G. deducitur, exceptis civilibus.*

Ex his autem, cum satis perspectum sit, quomodo ex Ejusmodi five *dispositione* circa *rem*, s. rei *traditione*, Jus, Rei persecutorium, in suo quodvis gradu & pondere transierit, Natura Conditionum, ex Jure Gentium, nunc hauriri poterit tanto liquidior. Non solum enim ex ipso jure *in Re*, sed etiam ex *Contractibus* & *Quasi, Delictisque* & *Quasi*, jus aliquod rei persecutorium natura constitutum est, §. 17. *Act.* & ex variis illis causarum figuris: quæ obligationem *mixtam* parere dicuntur. *l. 1. pr. d. O. & A. l. 6. Pact.* quæ plerumque ex Jure civili. *l. 5. d. J. & J.* Ex his omnibus, cum quid contra sit, ac iusta rei persecutio, efflagitat, dantur conditiones: quando quis vel *rem* nostram turbat, vel contra ac disposuit, facit: sed & ejusdem generis sunt illa negotia quibus mutatione voluntatis licita, vel ex defectu causæ, ab invito *rem* repetimus. Ex omnibus enim istis & ex his proximis, vel maxime oriuntur Conditiones, quæ ideo dantur, quia *res mea a Te* detinetur sine causa, vel quia causa nulla, sed errore credita fuit, vel quia quæ debebat esse causa, secuta non est, vel quia turpis aut injusta est: unde exstant: *Conditiones indebiti: causa data, causa non secuta: ob turpem causam, & furtiva, seu maleficio in genere: quæ peculiare Rubricas in Jure habent. l. 1. l. 4. d. Condict. sine caus.* Cum enim deficit vera causa translationis, Jus mutandi voluntatem i. e. revocandi & condicendi facultas contra invitum est, seu *rem* cedere, vel dispositionem servare nolentem: omniumque adeo conditionum, hæc una & communis ratio est: *quod justam rei meæ persecutionem turbes*: unde omnes, sub uno genere: Conditionis *sine causa*, continentur, quæ ergo, cum singulis prædictis, conditionum speciebus concurrit, quod solide expressit Ictus: *l. 1. §. fin. Condict. sine caus. Id condici alicui, quod non ex justa causa ad eum pervenit, vel redit ad non justam causam.*

7. Et ipsius æquitatis esse demonstratur.

Ex quibus palam est, omnes has Condições, Juris Gentium summæque æquitatis & potestatis naturalis esse: cujus fons ac causa l. 32. f. d. reb. cred. ita describitur: *Quia pecunia mea (vel quodvis Jus ex dispositione), ad Te pervenit, Eam mihi a Te reddi bonum & æquum est*: Inde enim velut ex perenni fonte, omnes conditionum rivos profluere, ex allatis perspicuum est: Neque naturæ quicquam convenientius, aut Juri G. conformius apparet, quam, ut ei Jus suum reparetur, cui illud sine justa causa imminuere, aut jam non integrum esse sinere, adversarius audet; quia omnis Justitiæ norma huc tendit: indeque Condições expresse dicuntur Juris Nat. & ex eo obligationem æstimari. Præclare in l. 25. f. de Act. rerum amot. *Jure Gentium condici puto posse rei ab his, qui non ex justa causa possident.* & in l. 64. Cond. indeb. verb. ut *Libertas naturali jure continetur, & dominatio ex Jure G. introducta est, ita debiti vel non debiti ratio in conditione naturaliter intelligenda est.*

8. Cujus ratio consistit in justa obligandi (dispositionis) tradendique causa.

Atque hinc adeo quæ pro regula universali & norma æquitatis naturalis habetur: *Causa obligandi & tradendi*: in his etiam concurrir: ut, licet tradita res nondum sit, competat tamen aliquod Jus, sc. illud, quod dispositum, quod est rei perceptorium, ut e. g. in Emptione, ad rem tradendam, pro pecunia, aut saltem non alienandam, donec pecunia numeretur: aut licet res tradita sit, si tamen causa tradendi deficiat, ut res repeti possit: quemadmodum hoc, velut principium commune inculcatur. l. 32. D. de Reb. credit.

9. Unde iterum Condições Juris G. esse natas ostenditur, quibus revocantur dominia, sine causa in alios translata & debita ex contrahibus.

Unde jam iterum ostendimus, quomodo & condiciones naturæ ac juri G. assertæ sint: quia repetunt, quod sine causa, penes alium est: l. 25. R. amot. l. 64. Cond. indeb. vel cum is aliquid facit, ac suscipit, quod Natura Contractus non permittit. Ea enim omnium Conditionum natura est, ut per Eas & obsistens inique, condicatur: & per eas, ideo repetantur res, etsi voluntate domini translata, quod causa deficiat, & inde vel invitum astringatur ad restituendum: quod peritissimum

tissime Vlpianus *d. l. 1. §. fin. de Condict. sine causa.* unde & hoc est per §. 6. *supr.* quod genus conditionis, ponatur, *in conditione sine causa* & concurrat cum omnibus conditionum speciebus, quæ omnes dantur ob defectum causæ, *d. l. 1. pr. §. 1. 2. l. 4. D. cod. O. dendorp. Class. Act. 6. act. 5.*

IO. Ideoque *et causa obligationis ac domini per Exceptionem perpetuam sublata, quod remanet, non nisi civile (mere) esse i. e. nihil operari.*

Præclare vero hinc, cardo ille Juris illustratur, & mixtæ obligationis (adeoque & naturalis tantum, & civilis tantum) vera natura, ejusque a ceteris differentia luculenter perspicitur. Cum enim in mixta obligatione, id, quod naturale est, consistat in iusta causa: sequitur: causa illa cessante vel sublata, quod superest, esse mere civile: adeoque obligationem, quæ, licet causa destituta, & hinc perpetua exceptione elisa sit, tamen durat: ut in literarum obligatione, quando pecunia numerata non est: non esse, nisi civilem & commentum Juris: & nullos effectus præter Actionem, producere, inane, i. e. quæ & ipsa inefficax est. vid. *de vero debitore, Disp. Coccej. Sect. 2. §. 1-10.*

II. Hinc dubium Stryckii ac Practicorum solvitur: cur vulgo dicatur: *Actio nis nomen in judicio exprimi non esse necessarium.*

Ceterum ex his accuratis notionibus, Confectaria oriuntur insignia, ac varia Neotericorum, (qui in viscera Jurisprudentiæ non æque cordati sæpe ac antiqui introierunt) dubia solvuntur, ut: cum lætam ignorantie segetem circa materiam Actionum in foro produxisse Stryckio videtur: Vulgata illa sententia: *Hodie necessarium non esse, ut nomen Actionis exprimat, in libello. de Act. Forens. invest. S. 1. M. 1. §. 1.* Eam enim ex jure nostro, non satis evinci posse putat ipse, citans *Backov. ad Treutl. Vol. 1. D. 4. Th. 19. lit. C.* Cui respondetur: non solum Jus civile secum, sed & cum Canonico egregie necti, & subtilissimam conformationem sequi. *C. 6. X. de jud.* Ibi ulterior inquisitio subtilis qualis Actio sit intentata, prohibetur: eaque Pontificis sententia merito applausum meruit, *Carpz. P. 1. C. 2. def. 13.* Neque enim ideo minorem adhibere industriam, vel

rum, negotii, proindeque & Actionis colorem dicere licet, vid. *Decher. Disp. de Colorib. V. J.*) subiecto desiderio suo, & imploratione nobilis Officii Judicis, rem sine ullis anfractibus & periculo expedire nituntur.

12. *Nam nibilofecius semper Actio, accurate indagata sistitur.*

Verum & ipse Celeb. Autor, alio loco *de Process. C. I. §. 7.* longe rectius contrarium fatetur, dum asserit: *Nosse stylum curiae, esse totam scientiam juris*, utique, si ea notio, cum omnibus requisitis suis capiatur. Etsi enim Reo, semper parata sit exceptio non competentis Actionis, si minus prudenter pro circumstantiis, Actorem ad iudicium provocare viderit; & quamvis ipsi quoque Judici incumbat, attendere, an & quale jus Agendi, Actori competat: ne alias sine actione reum condemnasse videatur, adeoque ex officio libellum ineptum rejicere, & Actori, ut aptam Actionem proponat, per decretum injungere teneatur, *Gail. L. I. O. 67. n. 1.* imo, quamvis in Camera Imperii prima Referentis cura esse soleat, ut inquirat, quæ Actio sit instituta, & an illa sit fundata secundum omnia sua Requisite, in tantum, ut, si unicum actionis requisitum vel deficiat, vel non sit probatum, Reus ab Actione sit absolvendus. *Blum. de Process. Tit. 75. §. 24.* attamen, horum periculorum nullum, Actori unquam obflare dici poterit, si modo facti narratio & subjuncta imploratio, recte se habeant. Illa enim Scientia in Advocato adeo necessaria visa *Stryckio*, qua actione in casu obveniente experiendum, ut Ei hac ratione via pateat, facillimo negotio suum prosequendi; & Judex de Actione certus, mox videat, an ad desiderium Actoris judicandum sit, vel non? ex formali ejusmodi propositione satis elucet. *Magnif. D. Mencke Tract. Synopt. J. d. Action. §. 1.*

13. *Dubium de Actione utiliori eligenda: Quæstio: ad Politicæ &c. pertinet.*

Penitus autem huc non spectat quod addit d. Autor: quod non sufficiat nosse, quæ actio institui possit? sed ibi præcipue opus esse cautione, ut illud remedium eligatur, quo rem meam, vel facilius vel brevius plenius recuperare valeam: Equidem prout expedit, ita quisque vel hanc Actionem vel aliam eligere potest. *§. 5. J. Quod cum eo, qui alien. potest.* quo sensu & *Cothmann. Vol. 4. Confil.*

Confil. l. n. 6. de Actore: Plus enim sape Actor consequi potuisset, si commodam actionem instituisset: Veruntamen, non confundendæ sunt disciplinæ. Hæc enim potius, ad privatam status vel publ. rationem spectant: sic enim dubium non est, quin is qui iussu domini contraxerit, cuique Institoria vel Exercitoria Actio competit, de Peculio deque Eo, quod in rem domini versum est, agere possit. d. S. 5. Utrunque igitur iuste agit: Verum stultus saltem appellatur ab Imperatore, qui omnia actione, qua facillime rem suam consequi possit, probatu difficiliorem Actionem, vel qua solidum consequi non possit, eligat; non iniustus: Ea propter ratio investigandi Actiones & investigatas quoque secernendi, & unam eligendi, ad Jurisprudentiam civilem, quidem spectat, verum quæ in utilitatem cadit ratio, tota ad Politicam Oeconomicaque pertinet, & ex aliis longe principiis arcessenda est: ex quibus Politici Professores videre possunt: quomodo literæ, Disciplinæ etiam humanæ, s. Juris civilis, ad ipsos spectent, ut neutiquam tamen, in Ictorum inessent, falceam suam immittere, necesse habeant.

14. Jus Agendi ex Jure tum Reali, tum Personali, sive: compensans Actio ex Facto nascitur s. ex Q. Contractu.

His rite secretis ad fundamentum, & causam proximam Actionis proxime etiam accedimus, quæ in vulgato illo Brocardico querenda: *Ex Facto Jus oritur*: quod in l. 25. D. AdL. Aquil. Cassius effertur: *In causa jus esse positum.* & hoc eod. sensu: *Factum* eleganter *Juri* opponitur. l. 38. §. 3. *verb. cui vero. de V. O. Coccej. de J. ejus quod Facti Sect. 1. 2. j. Disp. de Facto & Jure* 101. Vnde & questionibus Facti à Questionibus Juris separantur. l. 47. *Donat. inter V. & U.* Certissimum enim inde est, ex qualitate aliqua Facti præcedentis tum omnem ingenere Actionem proxime pendere, tum & inspecie, cum ad aliquod negotium, quod pro circumstantiis & gra-

vers. ad Hopp. C. Quod Ictus in l. 1. §. 3. *Sicar.* dixit: *Ex re constituendum esse.* Sive igitur Persona aliqua, Jus, ex qualitate Ipsius nobis Competens, denegat, s. aliud ullum Jus in re, sive natum ex contractu, s. delicto, s. servitutem constitutam seu usucapione rem quæsitam, seu donatam, s. testamento, s. ab intestato nobis relictam, seu obligatione debitam, quando, vel re, vel verbis, vel literis, vel consensu Jus aliquod in nos translatum alterius est voluntate, vel quando facto alterius Jus quæsitum tenemus, sive licito, ut ex Quasicontractibus, s. illicito, ut ex furto, rapina, damno, injuria seu alio quovis mali animi fructu: si adversarius, a quo hoc Jus quæsitum tenemus, vel tantillum nobis denegat; id factum omnino est tale, ex quo nascitur *Actio*, velut ex utero, adeo ut, quamvis subtiliter distinguatur petitio, ratione qualitatis causæ suæ præcedentis, ut, cum mutui & commodati Actiones secernuntur, it: cum Actionem Mandati, Locati & Præscriptis verbis distinguimus, in vestimenti confectione sarcinatori commissa: unde pro diversitate circumstantiarum variat Actio. §. 1. *J. Locat. §. ult. J. Mandat.* tamen, ratione causæ propinquæ, quæ Actionem perficit, omnia illa genera, ex una specie nata sunt: Scil. *Facto Ejus, qui Juribus nostris obssist.*

15. *Hinc ostenditur origo in Factum Actionum & Exceptionum.*

Adeo certum est, quod omnis competens Actio ex *Facto* nascatur, l. 38. *V. O. l. 47. Donat. inter V. & Ux. l. 1. §. 3. Sicar.* ut & generaliter in Jure, ipsum *Interesse*, ex Facto æstinandum esse dicatur, & non ex Jure, l. 24. *D. d. R. J.* & denique tanta Facti, in concedenda Actione, semper à Prætoribus habita est ratio, ut ex omni negotio, quando specialibus obligationum regulis applicari vel non poterat, vel non necesse erat, & hinc proprium Actionis nomen deficiebat, æquitas tamen, & justitia evidens pro Actore militabat, in Factum actio concederetur. l. 1. *Præscr. verb. l. 11. D. Eod. 23. §. 5. R. V. Bachov. de Act. D. 4. Tb. 34. Domin. Mencke §. 6. J. de Action.* Unde si quæreretur, An? Si aliquod nomen Actionis edendum esset, & Actor, accuratissime in facti circumstantias inquirens: In *facti* Actione, denominanda conquireret, bene ageret? Id ex dictis omnino affirmatur. Quod ex talium Actionum exemplis, tum ex contractibus, tum ex delictis oriundis, manifesto liquet: Sic pristinus dominus, qui neque rem vindicare, neque ad exhibendum de ea amplius

amplius agere potest, in *factum* actione damnum sibi resarciri petit. *l. 23. §. 5. de R. V. l. u. Præscr. verb. sic in damno dato §. 16. Leg. Aquil.* in Quasi delictis *t. t. oblig. qf. ex Delict. §. u. oblig. ex delicto.* Sic Actio civilis, male Judicati, est in *factum. pr. O. Q. Del. l. fin. de Extraord. Cogn. Hop. C. E. Usu - Hod.* Sic Actio de dejectis vel effusis est in *factum, §. 1. E. l. 1. pr. de his qui effud.* Idemque adeo in Exceptionibus notamus. *Lauterb. p. 609.*

16. *Et vera Natura Actionum mixtarum: ubi scrupulus de iis eximitur.*

Hinc & modus & ratio & natura, mixtarum quæ dicuntur, Actionum, (rei alias explicatu difficilis) clarescit: de qua Imp. §. 20. *Act. Struv. de act. in rem script. S. 5.* Mixtæ enim ex utroque genere Personalium & Realium nullæ dantur: ut accuratissimis Ictis placet. *Perillustr. L. B. de Lyncker Anal. ad Locam. n. 9. de Act. Ant. Faber 20. Conject. 10. Donell. ad §. 1. f. Act. ob diversissimam naturam, & pugnantes qualitates, Bachov. Vol. 1. D. 19. Th. 1. lit. b. contra Suthols. diff. 17. §. 30.* Si enim miscerentur eo modo, ut quodam temperamento, Jus reale & personale, alterum ab altero, quasi qualificaretur, tunc ex mixtionis natura, peculiarem speciem constituerent; quod esset contra §. 1. *Act.* Igitur sic dicuntur mixtæ, ut 1. ex dominio firmissime competant, quod Jus *in re* firmissimæ naturæ est, nec cum personali ullo modo miscendum: Unde *Hottomann. §. 3. f. de oblig. ex Q. C.* eas realibus hæctenus recte annumerat: dicimus enim, in Actione *Finium Reg. Familæ Ericf. Comuni Divid.* hanc rem nostram esse: Verum cum ideo agamus, quia adversarius noster, obsistit, proxima Ej. Actionis causa est *ejus factum*: unde reali illi actioni inest etiam proprie & imprimis Actio personalis, ut præstet, ad quod, detinendo, se obligavit, & hæctenus *Wilsenbach D. 22. Th. 26.* Personalibus recenset, cum quo *Hoenon*

nobis denegantur, demum Actionem Personalem producant: quia nunc demum causa proxima Actionis, accessit, nimirum: *factum obstitit*: ut jam pateat, cur illæ mixtæ Actiones, singulari partium respectu, vel mere reales, vel mere personales recte vocentur: ut de *Fin. regund. Actione* explicate tradit: *Struv. Ex. 14. th. 51.* & conjunctim suntæ, etiam mixtæ: §. 20. *Act.* ratione autem causæ efficientis. s. proximæ, semper cum personæ obligatione concurrant, & hoc intuitu ad *Personales* proprie, & unice referantur. Quo magis, nunc removendas *Hoppii & Struvii* sententias judico, qui se diremturos controversiam putaverunt, si cum actione Personali, ipsum Jus reale, tanquam cum ipso dominio, actionem copulavissent: Non recipit istam conjunctionem Causa Actionis, aspernatur, repellit *per Sect. 1. §. 18.* nec vero Finis Juris, qui simplex esse debet, ex dissimilibus rebus misceri & temperari potest. Quamvis igitur obstat *Hop. Q. 104. Act.* dici actiones mixtas, tam ratione causæ efficientis, quatenus partim ex Jure in re, partim ad rem descendunt: quem sequitur *Struv. de Act. in rem script. Sect. 5. n. 6.* Tamen Respondetur ratione causæ efficientis, revera nullam Actionem mixtam esse. *Acutissime & solide, ut omnia: Perillust. L. B. de Lyncker Anal. ad Locam. n. 96. Act. l. 4. D. Fin. regund. §. 10. Action.* quia Jus in re per se firmum est, Actio, autem s. Condictio, semper ex novo facto oritur. Instant: 2) mixtas esse ratione objecti, quatenus & id, quod nostrum est, persequuntur, & quod nobis debetur: i. e. præstationes Personales *l. 22. §. 4. Fam. Ercisc.* Respondetur enim: objectum illud, etiam ratione causæ proximæ, nihilosecius semper unice est ex Jure Personali & obligatione *per §. 14.* nam quod nostrum est, non efficit NB. *Actionem* realem: Sic enim & per CondiCTIONem furtivam persequimur id quod nostrum est, quæ tamen etiam non est mixta neque realis. *Lyncker. d. l.*

17. *Indeque illustrantur Actiones in rem scriptæ, & omnes esse personales, ostenditur. De rescissoriis Remediis, Pauliana Act. &c. remissive.*

Simili fere ratione lucem, obscuritas illa accipit, quæ in natura Actionum in *rem scriptarum*, Doctoribus nubem obduxit, quæ ita torquet *Struvium D. de Act. in rem script.* ut nesciat pene, quorsum se ipse torqueat. Verum sunt omnes, revera in Personam, quia hæc earum vis est, ut obligatio illa, qua Autor adstrictus fuit, c. g.

in re metu extorta, ad omnes Possessores, qui abs tali rem acceperunt, transeat: adeoque hactenus æque minus pertinent ad Actiones in rem, quam Actiones personales illæ, in quibus dominium subjective tantum requiritur: ut legis *Aquilæ*, *condictio furtiva*. *Lyncker Anal. ad §. 1. de Act. verb. aut in rem*. Nam idem Jus, quod ex dispositione sua, ex facto plerumque illicito orta, in Actorem transtulit Autor, transtulisse etiam creduntur, qui rem ab eo possident, eaque singularis ratio est in actione *quod metus*. *Struv. de Act. in rem script. 4. 1. Retractu Gentilicio 4. 24. Aquæ pluviz arcendæ. 4. 35.* Quod legatorum Interdicto. 4. 41. Tales enim circumstantiæ in his se ostendant, ut quilibet possessor, ad quem res, etsi sine dolo pervenit, tamen civiliter eandem simul obligationem suscepisse videatur, quam habuit Autor. *l. 156. §. 3. R. J. 175. §. 1. E.* proindeque factum, quod semel intervenit, eodem modo semper intervenisse putatur, quo ipsius Auctoris intercesserat: Unde & Condictio, jam eodem modo contra utrumque nascitur: quæ facit specificam, Actionum ia rem scriptarum naturam: quæ cruces alias fixit, & scrupulos injecit Oceano Interpretum: His autem positis clara est: quidque Ictus expresse *in rem scriptum* vocet. *l. 9. §. ult. D. Quod met. add. Pacius Anal. ad Tit. Act. §. 16. Schneidew. ad §. 1. n. 10. p. 642. Coler. ad D. de O. & A. & J. de Act. ad §. 25.* Indidemque scrupuli illi varii, de Remediis Reccissoriis, ap. *Backelm. J. Act. Tract. Spec. §. 7.* de Actione Pauliana *ib. §. 21.* facile evelluntur. Nam quatenus ob Jus *in re* amissum instituuntur, sunt *in rem*; alias sunt *personales. per dict. add. Hop. C. J. p. m. 824. Lyncker. Anal. ad Locam. Act. n. 47.* & fictum Juris civilis dominium, imitatur verum, ac R. Vindicationes; neque hactenus irregularitas adest. Denique celeberrimum illud in Praxi Possessorium. *l. fin. de servit. c. 4. §. 6. de Caus. Possess. Cle-*

1. §. 6. j. l. 2. *uti possid.* 1. §. 1. *de Superfic. 1. de Salv. Interd. Ludw. ad pr. J. de Interd. n. 5.* & tamen l. 1. §. 3. *Interd. conceptio personae formulae*, contra certam personam, ac individuum directa, ponitur, quæ Ergo lex per dicta non contrariatur, unde & dubia Bachovii *ad Treutl. Vol. 2. D. 25. Th. 1. Lit. b. c.* conquiescunt. Interdicta enim opponuntur Actionibus in rem, quia differentia est, inter Actiones de Dominio, & de Possessione, §. 4. *Interd.* contradistinguuntur quoque Actionibus in Personam, 1. §. 4. *dol. mal. 68. f. R. l. 3. §. 1. Jur. jur.* quia differentia est inter *Jus Personale* & Reale: & tamen rectissime *in formula* ostenditur causa proxima: scilicet vel maxime *Jus Personale*, seu *Quasi Contractus*, cujus proinde ratio, iterum ex iis, quæ dicta sunt, fluit. Alia denique plurima, quæ difficultatem interpreti moverent, hinc explicantur, ut: *Actiones ex Legatis*, quæ et quales competant? §. 2. *J. Legat.* inter quas nimirum connumerantur & personales: Etiam eo casu, quo conditio legato relicto adscripta: Si Legatarius v. g. *Catholicam Religionem, cum sua mutaverit, inque ea ad mortem usque permanferit*: pro non scripta habetur; ut, nihilofecius, legati capax fiat Legatarius, quantumvis conditionem non adimpleat, quin potius pendente etiam conditione, ipsa legati adquisitio locum habeat. *arg. l. 77. si cert. pet. l. 41. de Condict.* prout ex *Pac. Religios. d. 1553. §. 15.* eleganter notat Præcellentiss. D. Gihnein, P. P. O. Cob. *Disp. de Schismaticis in Germania non tolerand. §. 19.* Sic Conditio illa, ex *Obligatione personæ*, cum causa proxima, clarissime indicatur: *pr. Quib. mod. rec. obi.* ejusque species, mox subjiciuntur, ut: commodati Actio §. 2. *Eod.* depositi §. 3. pignoratitia §. 4. Conditio certi, & ex stipulatu *pr. d. V. O. &c.* in quibus omnibus & singulis, eadem causa specialis & proxima demonstratur. Sic denique fit, ut & hodie dum queri non potest, scriptura quis obligetur: & ex ea nascatur NB. *Conditio*, cessante sc. vel ore obligatione. *J. de litem. oblig.* in aliis quoque civilibus parilis ratio est. Caterum cum Rubricæ nostræ aliquatenus satisfecerimus, dum & verbo saltem, *supr. in Ingress. §. 15.* Potestatis Conditionum mentionem fecimus, ejus-

ejusque rationem, ne Juri & rebus Condicentis aliquid derogaretur, circumscripsimus, nunc, ne nimis verbosa fiat Disputatio, reliqua in Continuatione exhibere, nobis liceat : sufficiatque saltem ostendisse, Romanorum Jurisprudentiam nobis cordi esse, & veteres Ictos, in suis Ejusmodi Tractationibus, *qualis hac Condiſſionum*, velut ex ungue Leones agnosci dum illi ex una propositione, in communi vita recepta, & vel in vulgus nota, multas atque insignes consequentias inferunt, & veram illam, ac infucatam Philosophiam, quam profitentur, *l. i. §. i. d. J. & J.* egregie tuentur. Nobis sit interea, cum DEI laude & gratia, quantum a B. Lectore meremur, & ex Ipsius voluntate volumus :

T A N T U M !



